

上冊

名勝園林
剡宇慶賀

祠廟

古今聯語彙選三集

上海商務印書館出版

商 務 印 書 館 發 行

(教) (育) (部) (審) (定)

學 生 翫 具



學 以 獎 品

全 書 六 册 定 價 二 元 ● 另 附 圖 版 每 副 三 角

此圖為崇明童松君先生創格。以平方形剖成十五片。備同缺尖斜曲直諸體。仿七巧圖法演成。不增不減。而妙合自然。其益人神智。誠有不可思議者。初刻久已風行海內。續刻愈變愈奇。其字圖尤龍跳虎臥。不啻晉帖唐碑。三刻仿元人黃伯思燕几圖。亦較原圖之製為精雅適用。由先生哲嗣旭滄心安兩君。以全書呈農工商部註冊。取有版權。並呈教育部審定。准作為學生翫具。學校獎品。今以原版交本館。用上等連史紙加工精印。歸一家發行。本館復以機器製成鋅質圖版。加以漆飾。尤為美觀。

古今聯語彙選三集目次

名勝

園林

祠廟一

祠廟二

刹宇

慶賀

哀挽一

哀挽二

哀挽三

哀挽四

哀挽五

哀挽六

廡宇

學校

會館

戲臺

雜題一

雜題二

雜題三

投贈一

投贈二

諧謔

諺語

雜綴

本館聯語一門絡續采輯刊行不啻淵海茲彙錄書名於後

聯語三話

長樂梁章鉅著

聯語四話

長樂梁恭辰著

巧對續話

同前

繇桐館集聯

貴筑楊調元著

集聯彙選初集

武進胡君復著

集聯彙選二集

同前

古今聯語彙選初集

同前

古今聯語彙選二集

同前

古今聯語彙選三集

同前

古今聯語彙選四集

同前

古今聯語彙選補編

同前

古今聯語彙選三集

名勝

六安汪蘅齋先生之曾祖蟠春公題金陵翠微亭

聯

大江拖白練 鍾阜起蒼煙

彭剛直題金陵莫愁湖聯

山色慣迎逃世客 水聲常送渡溪僧

又長沙羅庶丹聯

管領湖山屬兒女 平分樓閣坐王侯

又李達權聯

我非好弈亦登樓 看六朝賸局殘棋青山
送盡英雄骨 客爲消閑來打槳喜十里

古今聯語彙選三集 名勝

平湖皓月荷花照出美人魂

又徐執瑑聯

說甚麼英雄自古迄今這一箇湖名偏屬
兒女 幸留得我輩探幽選勝看六朝山
色來上樓臺

又吳文杰聯

樓中尙有英雄像 湖上空懷兒女情

又毛乃庸聯

誰作人豪與君爭席 卿如不死爲我澆
愁

又秦山高聯

今古萬斛愁得五千斛是奇才欲喚莫愁
一消遣 聖賢幾杯酒飲三百杯爲豪士

聊憑此酒共登臨

又某君聯

渺渺一湖干卿甚事 茫茫萬古與爾同

銷

又徐淮生聯

湖光山色依然問海燕雙雙飛向何處
古往今來如此看秋燐點點閃過空林

又新會李淡愚聯

君臣相悅遑論輸贏誰知開國帝王笑把
湖山當孤注 兒女多情易生悲感願祝
凝粧少婦飽餐風月不知愁

又秦州王子實太史聯

恨我晚來遊只落得萬柄枯荷一湖秋水

雄

問誰能不朽除非是六朝兒女千古英

又湘潭黎福昌聯

我獨攜半卷離騷借秋水一湖來把牢愁
盡澆 君試讀六朝樂府有美人絕代要
偕名士爭傳

又韓國鈞聯

江山再劫收拾殘棋好憑湖影花光洗盡
餘氛見林壑 樓閣周遮抵徊靈跡中有
美人名將平分片席到煙波

白下兩遭兵燹韓公發帑脩葺煥然一新

南京周處臺聯

大屋不畫龍蛇待名士來題詠者 今世

復多蛟虎願將軍出斬除之

又聯

進德之猛成仁之偉歸宿在讀書七十葉
喬木清華此爲何年遺址 鐵城一角赤
石一卷馨香逾胙土三千里大江來去更
有幾座高臺

下署六十一世孫學源敬獻

秦淮風月亭聯

絮雪撲簾櫳花氣酒香楊柳旗亭春擲笛
麴塵生浦溆衫歌袖舞烟波畫舫晚鳴

椰

金陵清涼山掃葉樓爲清初託迹僧龔半千舊居

卽龔氏半畝園內懸掃葉僧像像有跋題云龔

古今聯語彙選三集 名勝

賢號野遺上元人能詩工畫蘭明季亂遊四方

晚歸金陵築半畝園於清涼山自號半千不仕

自繪像如僧狀名居曰掃葉樓爲光緒丁未江

寧陳作霖題又有端旬齋丁未十一月爲星悟

上人書聯云

不殊風景猶如昨 獨立蒼茫自詠詩

又東台戈銘獻丁未春題聯云

作葉與葉想作非葉想作非葉卽葉想庶
幾乎掃葉 有涼之涼時有不涼時有不
涼而涼時是故曰清涼

又張通謨聯

古寺話齊梁大好江山來振錫 餘情寄
詩畫想當風雨快揮毫

古今聯語彙選三集 名勝

又李梅庵集泰山經石峪字聯云

果實三千歲 蘭香十二時

又聯

此語深有味 我心靜不波

又易順鼎聯

老不白頭因水好 冬猶赤腳爲師高

原跋云心悟上人言此山有還陽井泉井旁居民

飲此泉雖老無一白頭者又嘗居廬山九峯寺其

徒年六十雖冬月亦赤脚夢湘會見之己酉六月

湖余與夢湘及由甫六弟遊此山上人出紙索書

因撰此聯以贈云

又湘潭楊哲子聯

每因憑眺傷時局 獨倚江山念古人

四

又楊寶壬聯

半千掃葉樓千古 六一畫蘭詩一囊

又壽田聯

二水三山常在眼 一僧七子俱有情

原跋云星悟乞詩壽援筆應之有却向人間乞詩

句知有天凡未了情句

又魏毓集蘇句聯

屋對江山如畫靜 氣含蔬筍到公無

又安化李燮和聯

帶甲滿天地詞賦動江關惟戰士文人到
此偏多千古恨 煙波渺何處齊魯青未
了祇湖光山色而今猶是六朝時

又某君聯

欲窮千里目 來看六朝山

又徐淮生聯

登樓始悟浮生夢 久坐唯聞落葉聲

又某君聯

片雲灑落依禪定 萬竹瀟騷作雨聲

徐淮生題豁蒙樓聯

作消夏間人皓月升時破隔岸林烟沾來

桑落 是納涼天氣好風起處吹過江山

雨飛上荷花

又聯

雲邊山影閒中換 天外江聲畫裏流

陳寅谷題鎮江彭公閣聯

水天一色 梅竹雙清

古今聯語彙選三集 名勝

閣下植梅竹

林紹年題鎮江文殊閣聯

人間歲月如流水 鏡裏雲山似畫屏

又聯

江山如畫 魚鳥親人

清道人集鶴銘字題鎮江東來閣聯云

留江山不朽 得華石相於

又任伊聯

檻前一帶滄江不古不今圖畫 簾外數

聲啼鳥非絲非竹笙歌

又彭剛直聯

鷹島白浮空月湧江流閒鶴夢 象山青

入座潮來窗外有龍吟

五

又陳寅谷集曹全碑字聯云

爲愛涼風開北戶 因芟殘葉見南山

彭剛直集句題鎮江東昇樓聯云

風露滿江秋萬頃晴波濯星斗 雲霞出海曙九霄瑞靄曜乾坤

又吳家勝聯

紅透雲霞看日上 青連天地覺潮來

曾燠題鎮江石肯堂聯云

水清石白焦公之宅 米襄陽銘 紙帳山蔬

彌勒同龕蘇玉局詞

又姚元之聯

海日初梔白 秋烟斷岸青

康南海題鎮江多景樓聯云

江淘日夜東流水 地聳英雄北固樓

又曲阜孔祥麟因感甲子事題聯云

北固暫停驂縱我雙眸看無邊風月 東瀛方用武問誰隻手扶第一江山

丁紹周集句題金山塔聯云

我輩復登臨舊業已隨爭戰盡 江山留勝跡天風常送海潮來

徐致祥學使由四川赴浙江迂道游金山留一聯

云

適從山水窟中來秋色可人征袂猶沾巫峽雨 欲向海雲深處住郵程催我扁舟又趁浙江潮

陳擘卿題揚州小金山月觀聯云

今月古月皓魄一輪把酒問青天好悟滄
桑小劫長橋短橋畫闌六曲移舟泊烟
渚可堪風柳多情

又劉滄年集詞聯

好句屬吾曹幾度閒吟正綠翦烟蕪紅吹
雲樹憑闌剛落日千年此地有泉名第
五花種無雙

揚州產芍藥最有名第五泉在平山堂下

江都徐理菴題揚州小金山聯云

仍從水竹開軒免辜負十里春風二分
月偶向湖山放櫂好領畧紅橋烟雨白
塔青雲

吳清卿題來青閣聯

古今聯語彙選三集 名勝

畫聖兼宗南北派 地靈雄占東西湖

又翁松禪聯

題樓喜見新堂構 鈐畫長留小印泥

又陸鳳石聯

昔曾閉戶營丹嶂 今識留耕印墨圖

北固山祭江亭有聯云

客心洗流水 盪胸生層雲

蘇東坡題鎮江北固山石颿樓聯云

雲涌樓臺出天上 風搖鐘磬落人間

丹徒趙曾望題北固山聯云

爲孫劉三分遺跡徑將北府招來人事幾
回紅亭白塔皆稱古 愛蕭梁六字嘉名
仍把南朝送去我聞一笑綠水青山無恙

不

鎮江焦山有所謂四面佛者爲山之最高峰鑿山

壁爲四佛像雕鏤絕精揚州方地山題聯云

面面相窺佛也須有靠背 高高在上人

到此卽回頭

丹徒趙曾望題焦山聯云

得瘞鶴銘而拓之見八法中第一眞書始

知翰墨精華任鬼忌神謀不及山靈呵護

問瓜牛廬誰繼者數兩漢後無雙國士

若論烟霞痼癖惟公賓我主席幾水乳交

融

邗江城樓有聯云

傑閣鎮層城看山雨江雲朝飛暮捲 淮

流當佛面對春風秋月汐去潮來

揚州平山堂夙稱名勝堂之西有第五泉水味濃

厚其南則有梅數十本爲歐公讀書處某君題

聯云

吾曹久矣不相見 此際飄然何所思

又聯

歌吹有遺音溯坡老重來此地唱殘楊柳

曲 宦游留勝蹟訪先生手植幾時開到

玉蘭花

又聯

好續勝游來白髮催人莫把韶光輕擲去

不知征戍苦青山向我無多塊壘已刪

平

又聯

雲中辨江樹 花裏弄春禽

又李郁華聯

一徑入烟寺 衆香聞妙天

又聯

借江南山提入襟袖 訪太守蹟如遇旌

旛

康山草堂在揚州新城因明康對山寓此得名有

手植辛夷一株清高宗題聯云

奇花二月之中遇 古木千秋以上論

郭柏蔭題滄浪亭聯云

漁笛好同聽羨諸君判牘餘閒清興南樓

追庾亮 塵纓聊一濯擬明日刺船竟去

古今聯語彙選二集 名勝

遙情滄海契成連

虎丘爲吳中第一名勝春秋佳日中外士女游覽

者途爲之塞李文忠祠建於山麓某年祠宇落

馬路新闢城內滄橋濱一帶妓寮

遂出城一轉瞬間荒涼寂寞之區崇

樓傑閣突映眼簾矣吳縣吳靖瀾兆烈題聯云

崇祠壯輪奐儘當年紆紫拖金春夢一場

都付斜陽流水除眞孃墓問誰爲摩挲碑

碣憑弔幽魂艷迹話南朝偏賺得名士美

人樽酒頻澆青草塚 小劫歷滄桑贖今

日頽垣敗井蘇臺片壤幻成海市蜃樓出

闔閭城又添了熱鬧鶯花撐持香國後游

懷北里知定有畫船簫鼓醉歌來訪白公

隄

清高宗南巡虎丘行宮有聯云

風聲滿徑竹鏗爾 春氣入林花翳如

又聯

氣清松竹有餘韻 雨足湖山是處佳

又天甯寺行宮聯

樹將暖旭輕籠牖 花與香風並入簾

虎丘有聯云

永憶江湖歸白髮 欲迴天地入虛舟

長白崧峻題虎丘山月駕軒聯云

一水碧盈尊掃石誰參清遠句 四山清

入坐騎雲合作廣寒遊

吳門萬笏山白雲泉亭有聯云

萬笏皆從平地起 一峯常插白雲中

清高宗題穹窿山聯云

太湖萬頃在襟袖 穹窿億丈陵星辰

快風閣在吳江龐山山小如培塿張琮有聯云

快哉風與庶民共 今夫山一拳石多

吳江鱸鄉亭有聯云

舊址難尋相距八百二十年之久 高風

可仰總在三萬六千頃之間

毗浦碧霞山丹徒趙曾望初遊時有紅梅一株花

朶爛開色若丹砂同人嘖嘖稱賞後爲蠹蝕其

根遂萎山間少一勝景矣然長隄爲臂烟波四

環亦足豁塵襟助遠眺癸未重九曾望復偕張

渭卿少尉同往登高適晤錢塘王古香司馬心

源胡韻梅參軍珍戴桐舫明經元謙茶話甚歡

徧觀壁間聯句無佳者因題聯云

雲閒鈴語雪後鐘聲記梅鬢開時我來東
海 山綴空青水浮軟綠指瓜皮搖處人
在西湖

海州雲臺小望日樓有聯云

樓觀滄海日 臺接鳳凰雲

徐州雲龍山有聯云

大地俯青徐看殘落日平原百戰河山誰
楚漢 孤亭環紫嶂倚徧疎簾畫檻千秋
風月共蘇張

徐州雲龍山放鶴亭有聯云

於東山之麓升高得景放鶴適其所隱
比西湖之嶼隨處皆梅作亭名亦相宜

古今聯語彙選三集 名勝

張君一題南通文峯塔聯云

靈秀孕璇樞數仞宮牆同仰止 文明資
砥柱萬方兵革此登臨

寥園主人題狼山望海樓聯云

樓觀滄海日 江入大荒流

又徐淮生聯

日色遠浮山翠起 風聲倒捲海濤來

又王子實太史聯

江海鎮分流一塔支雲到此潮頭皆下拜
東南窺勝境五峯接壤讓他丰骨獨高
騫

唐張祜惠山題壁聯云

小洞穿斜竹 重街夾細莎

十一

宋蘇軾惠山摩崖聯云

石路縈迴九龍脊 水光翻動五湖天

高忠憲公水居遺址有聯云

入水不濡至人練性如明月 裁湖作漳
今古漁歌滿夕陽

又聯

先生乃與水終始 茲樓獨峙天東南

又可樓聯云

後左徒三千年謫宦歸來聊尋漁父濯纓
樂 接太湖三萬頃涼波浩渺曾照孤臣
戀闕心

無錫惠山二泉亭聯云

試第二泉且對明亭黯竇 攜小團月分

嘗山茗溪茶

又聯

奇蹟比中冷回思萬馬浮江洗甲銀河猶
昨日 嘉名分上苑曾見六龍駐輦題詩
瓊島憶春陰

又徐淮生聯

出地清泉甘似醴 雨花寶石便能奇

無錫萬頃堂孫俶方聯云

簫鼓迎神百道風帆來管社 詠觴脩禊
幾人墨妙寫蘭亭

又秦寶瓚聯

眼前圖畫新開大箕山小箕山列岫晴湖
不數癡翁留妙筆 世外仙源誰是東管

社西管社紅塵翠麓可有漁郎來問津

又袁克文聯

几席三山萬頃波濤疑海上 湖天一閣

重陽風雨是江南

戊午冬余有錫山之行與同人游此亦題聯云

淘浪何年美人駿馬有餘思 此山不語

雲水天風豁古愁

堂側有古項王廟故云

又聯

鷗鷺往來清風泛于尊俎 雲烟奇闊秋

星幻作蛟龍

錫山石浪菴有聯云

五里湖光七層塔影 幾排石浪半嶺松

聲

虞山讀書臺聯

五六月間無暑氣 百千年後有書聲

頃見新申報雜俎門有署名曰霞者云虞山東麓有讀書臺相傳爲梁昭明太子讀書處臺高丈餘深廣二方丈中庋太子石像背臨深泉泉水冷碧有碑曰洗墨池池畔瘦竹千竿風來颯颯成韻憶予就學某校時每於日薄崦嵫時挾書登臺塵襟爲之盡滌三年前予偶題出聯於壁云五六月間無暑氣同學爲屬對多無佳句今臺旁起舍設立女校予足不履斯臺三閱寒暑上月偶登太子臺摩挲聯句依然也其下忽有聯對云百千年後有書聲此天籟也惜不署名爲之悵然按此聯對句固佳出句亦妙此等文字爲名山勝地生色不少

甚望霞也以姓氏詔我又按此聯格調套用者
甚多惟終不如此聯之自然

查初白題錢牧齋拂水山莊聯云

生不並時憐我晚 死無他恨惜公遲

王湘綺題西湖退省齋聯

花柳野亭開居士身閒來放鶴 湖山行

處好聖朝恩重莫騎驢

彭剛直題西湖水月亭聯云

水憑冷暖溪間休尋何處來源詠曲駐斜

暉湖邊風景隨人可 月自缺圓亭畔莫

問當年初照舉杯邀今夕天上嫦娥不認

吾

諸子羣經評議兩 吳門浙水寓廬三

樓爲曲園先生所建友人多贈以詩此聯乃先生

摘錄投贈之句書以爲聯蓋先生著述以南評議

爲最大而蘇州有西園杭州有俞樓有古台仙館

皆其寓廬

謝方山題三潭印月迎翠軒聯云

客中客入畫中畫 樓外樓看山外山

俞陞雲題西湖川上亭聯云

雲思霞想疑三島 花影湖光會一亭

四川駱成驥題平湖秋月聯云

穿牖而來夏日清風冬日日 捲簾相見

前山明月後山山

西湖俞樓聯

西湖冷泉亭有聯云

不愁泉冷無時熱 常恐峯來更欲飛

又新會李淡愚聯

未出山時一寒至此 飛來峯下有亭翼

然

儀徵時蓬仙先生慶萊題西湖烟霞洞聯云

地連石壁雙峯起 天占錢塘一角多

鴛鏡樓題蘇小墓聯云

與湖山名勝長留算 卿艷福 把香火因

緣說起是我鄉親

秋俠風雨亭有門聯云

秋氣塞天地 春社開湖山

普陀潮音洞中有聯云

菩提今菩提忽現千般手眼 自在觀自在

古今聯語彙選三集 名勝

在須由一念慈悲

普陀南天門石壁中有聯云

千峯仰止 萬派朝宗

雁蕩天柱峯有聯云

眞奇哉一百二十峯造化小兒無端弄巧

可惜了三萬六千日白頭老叟幾箇曾

遊

洞天門在浙江靈巖其洞南北相通軒廠如廈廣

五丈深二十餘丈洞上下左右壁皆砥平無窾

突若神功斲削所成者有聯云

靈峯峭拔疑無路 巖谷幽深別有天

浙江秀水縣南二里鴛鴦湖一名南湖彭剛直聯

云

移得蓬瀛來世上 別有天地非人間

又松江謝希傳聯

溯五季訖今幾閱滄桑傑構重新無恙烟
波猶澹蕩 指百里以內交通輪軌游蹤
戾止儘多裙屐此登臨

蔣汝藻題來鶴亭聯

踞鷺嶺傍桃源面芝塢小築茅亭是林巒
最幽處 曲江濤吳山雪西湖月生成畫
本極宇宙之大觀

瑞安飛雲閣下供瑞安詩人木主孫渠田鏘鳴題

聯云

清新開府俊逸參軍香火共一堂每當月
夕風晨結習未忘定有吟聲空際落 白

水東城青山北郭漁樵分半席遙想天容
海色衰年多病恨無眼福望中收

又黃仲洩紹箕聯

登東皋一望蒼莽橫陳某水所釣某山所
遊魂兮歸來嶺樹湖雲長供養 自南渡
以還人文蔚起詩中有人詩外有事心竊
嚮往春蘭秋菊薦馨香

又王小牧嶽崧聯

大好光景小築幽棲懷舊寄深思獨慨白
傅龕成黃公墟貌 曠代名流同堂晤對
論詩猶餘事也當追蹤七子嗣響四靈

開爲黃漱蘭侍郎建未竣工而侍郎逝故上聯云
然又永嘉自宋有四靈詩自成一派清初有七子

吟社亦名擅一時

又項申甫崧聯

風情邁濂洛溯先輩文章餘事自有正聲
何須派衍四靈中晚別標唐格調 豪興
酌江山問古來天地吟身幾人不朽且喜
塘開一鑑詠觴遙繼晉名流

又聯

高詠緬前賢問嶺雲湖雨煙景猶存卽今
吟眺陶然何似園林依北郭 得閒時縱
目看水繞山橫海天無際獨恨婆娑人去
誰教風月話南樓

又黃叔頌紹第聯

結構倚城頭冠山枕海襟江帶湖憶從前

古今聯語彙選三集 名勝

觀潮石徑古閣榛蕪又見危樓聳平地

遨遊出人表皓月澄波光風颯雪安得起

止齋水心諸公閒眺同攜佳句問青天

前有觀潮閣址久圮

又聯

衡宇相望千秋韻事觀潮閣 江河不廢

一瓣心香仰止亭

又宋平子聯

偷閒消閒意境不同沿東閣川行登臨長

嘯 在定出定人才如是看南山雲起飛

過江來

吾鄉沈子肅宰石門時題石門洞劉文成公讀書

處聯云

石洞萬千巖眺覽勝區猶傳詞客騷人句

十七

時務十八策欽瞻遺像想見長吟抱膝年

又聯

是玉芝僊鄉鍾毓英奇誠意伯 搜括蒼

金石流傳山水謝公詩

又聯

太鶴訪高蹤蔓草斜曛文成宅 真龍資

元輔奇門祕略郁離書

李案梅題樂清玉虹洞聯

一洞涵天白 羣山撲地青

又某君聯

高處不勝寒玉宇瓊樓開洞府 山中何

所有白雲紅樹住仙家

某題温州梅雨潭聯

飛瀑半天晴亦雨 寒潭終古夏如秋

許炳堃題永康松石亭聯

與石共千古 隨雲來半山

金華寶婺觀前爲八詠樓卽沈休文之元暢樓有

詩刻在上後卽婺女廟金華之名寶婺以此樓

有聯云

沈郎去後難爲句 婺女當頭莫摘星

又錫山徐寶善聯

齊梁風月留高咏 吳越江山極大觀

又安仁陳謨聯

有山可觀水可聽以外盡閑事 於日得

長風得惠此地一快人

又長白繼良聯

才智縱橫慨末路英雄尺疏自書千古恨
風煙牢落攬前溪蒼翠夕陽如畫六朝

山

永嘉南郊積穀山麓有飛霞洞相傳爲漢劉根修
仙之所後乘赤霞到天台因名舊有謝靈運白
雲春草吟摩崖今剝毀模糊惟謝客巖三字尙
存旁有豫章老幹橫挺二丈許夭矯擎空陰蔽
十畝後人依樹建樓虬枝側出若龍臥其中因
名臥樹樓樓下東偏隙地遍種桃林名流題聯
甚多陳頤百壽寬題聯云

洞闢何年和天上鸞吟我亦仙人今世謫
樹猶如此信隆中龍臥古來名士出山

古今聯語彙選三集 名勝

遲

又歙縣鮑衡聯

樓頭樹臥幾時起 洞口霞飛何日還

又郭外峯鍾岳聯

古洞住飛仙試看門外桃花猶憶劉郎前
度 名山留太守爲問澗邊斤竹何當謝
客重來

謝康樂爲永嘉太守遊蹤不越斤竹澗

又徐慎行聯

人生能著幾兩屐 桃花一放三千年

又呂文起渭英聯

樹猶高臥 我亦歸來

又徐敏君慎行聯

十九

留白雲春草遺碑石不能言長使人間懷
太守 撫龍臥虬蟠古木樹猶如此敢云
世上無神仙

又某君聯

但閉門未妨龍臥 名飛霞宜有桃花

山陰朗吟閣有聯云

石上桃痕千古不磨江月曉 洞中仙韻

一聲長嘯海天秋

山陰自在亭有聯云

潭碧自評月 崖高欲說雲

又楊樹恩聯

古今奇觀屬巖壑 往來名士盡風流

原跋云同治己巳同鄉彭雪琴徐樹藩兩侍郎先

後來遊畫梅題詩興復不淺予適幸山陰忝爲東

道書此以紀其盛

越望亭聯

若耶溪上泛者去而未休何如遊此地乎
靜聽爭流之萬壑 山陰道中苦於應接
不暇是以建斯亭也坐觀競秀之千巖

湯壽潛題柯巖聯云

記羚羊亦有斯巖人巧天工同此寒潭應
北斗 距蠡城曾無多路水清石瘦出來
奇境勝東湖

又陶潛宣聯

是色是空於一毫端見寶王刹 無臺無
樹坐微塵裏轉大法輪

又王慶勳聯

古洞鎖寒潭半偈有時參水月 春風吹

瑤島一尊容我醉梅花

原跋云同治丁卯初春重葺山館成招諸同人夜

飲春酒尚寒梅花未落冷香疎影助我酒懷口占

聯句誌之

又集唐人句云

移石動雲根一角巖扉名高北斗星辰上

橫琴候蘿徑滿身山翠人在千峯煙雨

間

又歐陽利見聯

風便暫棲蹤一路青山應識我 雲陰疑

作雨半潭秋水最宜人

古今聯語彙選三集 名勝

松林山在蘭谿南鄙山下有亭某君集陶淵明句

題聯云

連林人不見 獨樹衆乃奇

紹興駐蹕嶺爲南渡遺蹟懸崖絕壁形勢天險嶺

巔建茶亭有聯云

一掬甘泉好把清涼澆熱客 兩頭嶺路

須將危險告行人

甌江孤嶼中有浩然樓相傳因孟襄陽衆山遙對

酒孤嶼共題詩句而建秦小峴謂樓名不應直

斥前賢之名改題爲孟樓榜其楹云

放眼滄江重懷古 題詩孤嶼一憑欄

又楊子萱炳聯

今之畫圖毋乃是 近來詩客似君稀

又沈步雲集句聯

潮平兩岸闊 江上數峯青

又李石農鑾宣聯

潮翻孤嶼白 山對酒人青

又冒廣生聯

孰薦此香芳甘之意 汝觀明月空靈者

神

孤嶼甌人稱爲江心中有寺刹及文信國卓忠毅

諸公祠風景絕佳

又郭鍾岳聯

後謝公攜屐而來吾人詠譔獨慚康樂

誦信國銘衣之語天地正氣無愧庶幾

又某君聯

舉世正逐鹿 長空有飛鴻

溫州城東南臨華蓋山山頂有大觀亭戴子開啓

文題聯云

乾坤此勝概 我輩復登臨

松陽驥山之麓有亭翼然面臨松溪對岸山光欲

滴何若泉題聯云

幾點疎星漁入港 數峯殘照牧歸村

葉君題醉翁亭聯云

並未成翁到處也須杖履 不能一醉此

來孤負山林

安徽正陽關爲吳楚咽喉潁淮重鎮北有八公山

煙巒隱現南望六蓼十里平湖無邊蘆葦亦皖

北名勝也離舶來往帆檣如林秋夏水漲白浪

滔滔築南堤以防之堤上名勝尤多有觀瀾亭

朱少蓴題聯云

烟水茫茫豪士胸懷名士恨 亭臺草草

元人圖畫晉人詩

又有酌棋亭燬於兵重葺後時繼周聯云

倚檻遙觀放眼長空迷六藝 圍棋小憩

關心時局感滄桑

又有羹梅舫陶酌仙聯云

世慮頓消除到絕勝地心曠神怡說甚麼
名說甚麼利說甚麼文章聲價放開眼界
賞不盡溪邊明月檻外清風院裏疎烟堤
前斜照 湖光憑管領當極樂時狂歌爛
醉這便是福這便是慧這便是山水因緣
滌盡胸襟贏得些蕭寺鳴鐘遙天返棹平

古今聯語彙選二集 名勝

沙落雁遠浦驚鷗

安慶大觀亭祀余忠宣公雄壯甲於皖江懷遠宮

農山爾鐸集句聯云

萬古乾坤此江水 千家山郭靜朝暉

又上虞鍾伯芬毓蘭聯

是晴川閣是岳陽樓一覽江天斯亭爲伍
有唐睢陽有宋信國千秋俎豆得公而

三

又江都楊竹繆益聯

溯清水塘流獨明季金沙河衣冠堪同不
朽 問皖公山色與吾揚梅花嶺風景相
較何如

明金鉉投金沙河死冠袍泛泛見水上

二十三

又某君聯

一碧無垠吳楚青蒼分極浦 千秋如在

江山名勝得斯人

又聯

石聳亭高看天邊雲樹蒼茫無非樂土

潮平岸闊問江上舟帆來往那是閒人

安徽太平金柱塔最上一層有所謂南天門北天

門者某君題聯云

趨步來南天門北天門一塔橫江中流砥

柱 放眼去東梁山西梁山雙峯排闥半

壁屏籬

六安汪蘅齋先生之曾祖蟠春公題流波撞聯

波浪直穿青嶂裏 潺湲遙在白雲中

流波撞在六安城西一百二十里山頂一洞與山

是一洞曲折相通泝水穿之而過水聲澎湃誠奇

觀也

又聯

奔水山疑動 懸河地欲穿

九公山在六安城西八十里有九峯聯列故名汪

蘅齋先生聯云

無限峯巒競秀令過客賞心到此如遊三

島境 不能草木皆兵使荷堅喪膽笑君

遠遜八公山

武陟山在六安城西二十五里昔漢武帝南巡會

登此山故名有孝廉程君聯云

我輩復登臨河山極目風景生悲直將把

酒問天拔劍斫地 漢皇今安在野卉縈

眸流泉聒耳想像旌旂耀日管籥喧雲

六安汪蘅齋先生之曾祖蟠春公題鎮安樓聯

幾處鶯花雲樹裏 萬家煙火畫圖中

袁昶題蕪湖赭山滴翠軒聯云

涪翁集中一句無想蘧廬未曾再宿 丹

陽郡名由此立雖部婁俯視千巖

軒爲宋黃文節公庭堅讀書處

又譚龍夏聯

塵市夢初酣問山谷當年覺否 英雄淘

不盡看江流終古依然

宣城敬亭山穿雲亭有聯云

翼然有亭一徑穿雲而入 仙乎此客三

山儘日以遊

古今聯語彙選三集 名勝

宣城太白樓有聯云

長嘯對青山遲君十五月明遙向雲中聽

吹笛 舊遊懷碧落待我三千年後重來

江上一題詩

又長白紹誠立齋聯

近仙人居且慢吟風弄月 此高會地何

分清聖濁賢

又吳慎旂聯

如何邀月問天想是平生知己少 祇可

以詩下酒懶開醉眼看人忙

又陳桐喈逢元集句聯

低首謝宣城憑欄却憶騎鯨客 前身陶

彭澤漉酒多招採藥翁

二十五

又李承謀云

大江淘盡英雄山經百戰樓仍在 詩卷

長留天地人往千秋酒不空

黟縣胡蘊山文輝集韓昌黎句題小姑山絕頂梳

妝亭聯云

綴珮雜蘭麝 高步凌雲煙

蘇東坡集盧秉傳語題雪堂聯云

臺榭如富貴時至則有 草木似名節久

而後成

李瀚章題赤壁聯云

一炬火何處鑿兵最憐灑酒臨江風便又

教公瑾借 兩篇賦偶然點筆可惜驚濤

拍岸壯觀不與子由同

新化周芑衫延俊題武昌城東洪山塔聯云

足踏紫虹衝漢上 眼低黃鶴貼江飛

彭剛直題黃鶴樓聯云

星斗摘寒芒古今誰具摩天手 乾坤流

浩氣霄漢常懸捧日心

又臨湘吳鳳孫聯云

有所愁便寫無可道便罷休君若問神仙

試想想崔李本事 一自下故深百能容

故博大我來望江漢長殷殷官胡替人

又抱蜀居士聯

黃鶴去來無定所 白雲今古擁高樓

又畢承細聯

低望江水繞青山向那東海流去 仰觀

白雲送黃鶴對著晴川飛來

又石門袁少枚尙寅聯

我比青蓮來更遲仍許登樓眺江漢 誰

知黃鶴去太早空聽吹笛落梅花

又新化周芍衫延俊聯

君騎黃鶴去俯玉宇瓊樓難拋却千古棋

枰萬家燈火 我泛斗槎來攜詩筒畫稿

再收拾湖邊風月漢上烟花

又聯

羽觴三醉重湖曉 鐵笛一聲萬戶秋

又聯

瓢飲長江一吞六七千里 笛橫大別三

弄十二萬言

古今聯語彙選三集 名勝

又某君聯

青蓮應怪我來遲不敢亂題詩恐被隔江

鸚鵡罵 黃鶴已隨仙去久倘教重弄笛

定驚遠岫鳳凰飛

又聯

闌干外滾滾波濤任千古英雄挽不住大

江東去 窗戶間堂堂日月儘四時憑眺

幾曾見黃鶴西來

又聯

太白無詩獨留千古恨 長安不見更上

一層樓

又新化曾月川繼輝聯

請神仙把黃鶴催歸再看那蒼狗白雲如

二十七

何變化 待賤子將青蓮喚起莫負了晴
川芳草次第吟來

舒卓元與李瀚章同榜交極篤及李總督兩湖

舒往謁不見者再舒大憤作聯懸之黃鶴樓

以嘲之聯云

同榜貴人多任他穩坐青牛也向塵中談
道德 相交知己少笑我重遊黃鶴恍拋
家累學神仙

又新化周芍衫延俊聯

宇宙幾滄桑江漢波濤今古恨 湖山自

燕暇樓臺烟雨畫圖秋

李笠翁題晴川閣聯

仙家自昔好樓居吾料乘黃鶴者去而必

返 詩人生前多羽化焉知賦白雲者非
卽其人

又聯

高閣逼諸天到此噓氣成雲送征人對岸
騎鶴 大江流日夜讓我抽刀斷水似帝
子當途斬蛇

又聯

樹色蒼茫初過雨 川原近遠似蒸霞

又聯

與天爲徒疑上鳳凰臺笑之曰咄 遺世
獨立不愁鸚鵡舌恨又奚言

閣距鸚鵡洲十里

新化周芍衫延俊題漢陽城西琴臺聯云

清風明月自來往 流水高山無古今

又某君聯

先生大得便宜祇弄了一張琴把千古湖
山盡行買去 我輩適當閒暇聊憑這三
杯酒將兩人心迹子細評來

湖北慈雲閣有何凌漢太史聯云

檻外大江流千古英雄淘濁浪 閣中遺
像在八州父老拜慈雲

石門袁少枚題睡仙亭聯云

黃鶴從何日歸來江漢雙流玉笛梅花吹
不落 仙人是那年睡起春婆一夢晨鐘
暮鼓喚難醒

又林以鉞聯

古今聯語彙選三集 名勝

人笑我長眠世上那堪睜眼看 我嘆人
盡夢道旁曾借枕頭來

曠視樓爲長陽第一名勝樓在大堡里地當入蜀

咽喉川鄂陸行必經之地爲邑人李亮塵孝銓
所建李少時曾官府丞未幾棄官歸隱遂建斯

樓趙爾巽題聯云

清流激湍映帶左右 朝暉夕陰氣象萬
千

又集句聯

山靜似太古 樓高接大荒

又曾傳漳聯

過眼雲烟饒供養 置身瓊玉耐高寒

又梁亨吉聯

二十九

能招過客飲文字 却對眞山看畫圖

姜詩漢廣汗人妻龐盛女夫婦至孝母嗜魚一日

舍中出泉日躍雙鯉永平中舉孝廉舍在宜昌

三游洞附近後人題詠甚多嶺南張玉棠題聯

云

人有妻兒須羨魚而結網 誰無父母當

飲水以思源

宜昌三游洞有旌德呂某聯云

巴蜀荆楚之間奇哉有此 元白蘇黃而

後游者爲誰

元微之退之兄弟與白香山遊此故名蘇子瞻兄

弟與黃山谷亦曾來遊相傳爲後三遊

又孫家穀聯

勝蹟說三游自從玉局題詩問何人壓倒

元白 雄圖共一覽誰把金沙畫界於此
地控住蠻荆

九江城南門面甘棠湖荻港襟其右匡廬九峯峙

其前黃五雲明府題城門聯云

九疊屏風橫荻港 一灣流水枕棠湖

九江鎖江樓面臨大江白荻湖映帶其左隔岸

卽黃梅縣風景遼闊黃五雲明府又題聯云

白荻波光當岸繞 黃梅山色過江來

潯陽懷玉山書舍有聯云

溪澗合流在山時作琤璫流嘗澤物 朱

陸講道後人妄分脈絡道本同源

王齊仙題江西滕王閣聯云

時維九月序屬三秋落霞與孤鶩齊飛秋

水共長天一色 上出重霄下臨無地控
蠻荆而引甌越襟三江而帶五湖

又大埔何秋槎太史探源聯

千載登臨容我輩 一燈讀序憶兒時

又某君聯

奇文共欣賞 我輩復登臨

又聯

大江東去 爽氣西來

南昌徐孺子亭有聯云

黨獄甚坑儒老子猶龍不與羣公同死節

湖亭自懷古其人如玉願從空谷薦生

芻

白鹿洞有聯云

古今聯語彙選三集 名勝

鹿豕與遊物我相忘之地 泉峰交映知
仁獨得之天

江西百花洲有聯云

有此湖山得此佳趣 召以烟景假以文

章

南豐南門外有讀書巖宋曾子固先生讀書處也

中有洗硯池張宜仲太史集句題聯云

幾人得其趣 千載有餘情

贛州府治西南有鬱孤臺卽賀蘭山隆阜鬱然孤

起故名唐郡守李勉登臨北望改名望闕宋郡

守曾槿增築二臺南爲鬱孤北爲望闕趙抃蘇

軾皆有詩某君聯云

臺以時觀遊邢太守謂關文運理或然歎

喜年來潤色虎頭萬丈光芒生彩筆 才

豈分今古蘇長公託寫吟懷音斯雅矣問

此外因緣鴻爪幾人詩句在籠紗

又聯

故人飛上金鑾殿 乘興來爲玉局遊

又聯

鬱結古今氣 孤懸天地心

贛州府城東北有八境臺蘇軾處州八境圖詩引

南康八境圖者太守孔君改作石城卽其城上

樓觀臺榭之所見而作是圖也東望七閩南望

五嶺覽羣山之參差俯章貢之奔流雲煙出沒

草木繁麗蘇子因作詩八章題其上云按孔宗

翰作八境圖未嘗專以名臺此後人所爲明統

志載八境臺而引蘇軾鬱孤臺詩亦誤有邵遠

士集句聯云

江山留勝迹 西北有高樓

又聯

萬家燈火依山堞 百轉灘聲繞石樓

又劉繹聯

千里江山控南服 一城圖畫詠東坡

又劉光裕聯

八境天開觴詠一時多古意 雙流水抱

宦遊千里監臣心

又沈保儒聯

章貢會雙流俯仰滄桑大地風雲天外起

樓臺收八景依稀城郭故鄉烟雨夢中

來

又某君聯

王文成繼諸葛平蠻自桶岡歸來入境風
雲開八陣 孔知軍爲章貢弭患索眉山
題詠雙清心跡賸雙江

又吳鴻昌聯

地據虎頭城橫絕八方緬萊公坐鎮北門
終古回環衣帶水 天留鴻爪印憑高一
顧招蘇子歸來南海重新摹寫笠屐圖

乙卯夏大水爲災城墉岌岌欲圯當事鳩資修繕
故云

又何剛德聯

此亦岳陽大觀誰共後先憂樂 話到雙
江流水毋忘伊洛淵源

古今聯語彙選二集 名勝

又陳心田聯

木客老空山孤塔奔湍吟境似 梅花懷
遠訊江南嶺北故人疎

又劉好愚集句聯

長劍倚崆峒誰向空山弄明月 大江流
日夜坐看奔湍繞石樓

又許丹承聯

雲影擁蒼茫八境畫圖開北嶺 古今成
俯仰三年宦迹問東坡

邵蓮士題贛州蘇東坡陽行先二公夜話亭聯

寒燈相對記疇昔 喬木如今似畫圖

又某君聯

白雲在天明月無極 幽賞未已高談轉

清

又黃潔吾聯

雙江一夜話 二老百年心

又曹孝標聯

幽人空山如有佳語 流水今日若爲平生

贛州接葉亭劉皓愚聯云

松柏有本性 乾坤一草亭

贛州塔影龜金楚清聯云

何處著此身彈指現空中樓閣 會當凌

絕頂昂頭吸天上星辰

德陽西三十里有石亭秋月古跡爲縣內八景之

一石亭之側有古井每屆中秋節夜月朗井底

都人士咸於是夕觀玩之彭君大俠集唐人句

題聯云

天氣晚來秋東邊日頭西邊雨 夜色涼
如水北斗闌干南斗斜

園林

李笠翁客白下時下榻芥子園門外植二柳內種

二桃桃熟時窺人子多竊之因戲署一聯於門

云

二柳當門家計遜陶朱之半 雙桃鎖戶

人謀慮方朔之三

李笠翁今又園聯

繁冗驅人舊業盡拋塵市裏 湖山招我

全家移入畫圖中

某君題隨園聯云

先生何許人也 老子其猶龍乎

袁子才先生自題隨園聯云

門無鳳字 座有雞談

古今聯語彙選三集 園林

又聯

舉頭望明月 盪胸生層雲

又聯

風暖鳥聲碎 日高花影重

又聯

春秋多佳日 談笑無閒時

南京胡園在城西花盞岡明徐錦衣西園故址也

胡煦齋恩雙奉母居此池館花石甲於白下以

主人別號愚園故人又以愚園呼之莫友芝題

園中無隱精舍聯云

入坐有情千古月 當窗無恙六朝山

又楊文瑩題園中梅庵聯

梅花萬樹密室先春諸老林間圖雅集

瘦鶴一聲長天欲雪昨宵枕上夢孤山

又李文忠題園中又一村聯

山椒雲氣易爲雨 村落人家總入詩

又湘潭歐陽太守述題園內春暉堂聯

煙霞供養斯得上壽 詩酒酣嬉能娛古

歡

又陽湖趙太守烈文聯

慷慨宴笑留我嘉侶 習靜獨處心思古

人

又沈文肅聯

寸草春暉壽如金石 名園綠水家住樓

臺

又魏家驥聯

白雲吾廬青琴在案 綠竹有笑素馨何來

又高要馮中丞譽驥題園內清遠堂聯

詩文清芬曰道德會 山川靈秀入戶庭間

又南海譚觀察宗浚題園內西圃聯

陽葉春青陰條秋綠 桂深冬馥松疏夏寒

又侯官林內翰惠臻聯

紅黃霜樹珊瑚海 黑白雲華玳瑁天

又太湖趙觀察繼元題園內界花橋聯

白菌蒼香初過雨 碧琉璃水淨於風

又李文忠聯

天風吹漾黃花酒 皓鶴下浴紅荷湖

又長沙左直刺楨題園內課耕草堂聯

琴彈夜月龍魂冷 劍擊秋風鬼膽轟

又聯

翦雪萬重元鶴守 倚窗三弄老魚聽

又通州錢孝廉青聯

崇蘭一山短竹列坐 清流引帶和風激

弦

又長沙吳渠巖國鏞聯

雲林頗重疊 心跡喜雙清

又上元溫宮葆葆深聯

春醞已清家園可摘 月話方洽燭醉始

酣

原跋云煦齋仁兄太守愚園落成得句同人詠和

成集深並集爲聯語深謂愚園集與月泉玉山兩

集並美玉山余藏寫本翁叔平司農補阿瑛小照

月泉已刊傳矣因日望愚園爲續繡梓兩集也云

云當時諸老輩官成歸隱風致可想

又某君聯

日晚愛行深竹裏 月明常在小橋頭

又李文忠題園內水石居聯

空巖已禮百千相 明月誰分上下池

又臨川桂太守中行聯

東風吹開錦繡谷 春江綠漲蒲桃醅

又吳縣王太史亦會題園內松顏館聯

一牕蘿月禁春瘦 萬壑松風撼晝眠

古今聯語彙選三集 園林

又灌叟題園內課耕草堂聯

有地開鋤未忘塵世事 此間閒話猶作

太平聲

又聯

因樹爲屋 開門見山

又題春睡軒聯

故燒高燭 乞借春陰

又江寧陳孝廉作霖題園內曠觀亭聯

露白葭蒼伊人宛在 峯回路轉有亭翼

然

又聯

白下有山皆繞郭 春城無處不飛花

又聯

四

四面雲山皆繞郭 萬家煙樹不遮樓

又包世臣聯

此地有崇山峻嶺茂林修竹 所至皆瓊

樓瓏室瑤草琪花

相傳愚園樓柱舊有聯爲倉山舊主所題聯云

百尺曠襟懷更饒他翠袖連雲香車流水

四時供嘯傲最好是夕陽西墜明月東

升

合肥張祖翼於金陵冶山下關地數畝倚山爲屋

曰竹居境僻景幽饒有園林山水之雅藏書萬

卷其竹居讀書處有聯云

立石自成小五嶽 披圖而觀大九州

又園內韜樓聯

明鶴有奇翼 陵岑聳逸峯

又園內咏古齋聯

松凝夏寒桂深冬煥 雲隨竹動月共水

流

白門東花園中有一聯云

忍把浮名換却淺斟低唱 若論能事短

於擔糞着棋

又園內一斗室有聯云

無工夫爲人拭鼻涕 莫斷送去我老頭

皮

徐淮生代張欣之題西園聯

居白門久無往非釣游足迹所經何須皖

水皖山常想像夢中風月 於西城隅盡

古今聯語彙選三集 園林

與其賢豪長者相結願趁好春好夏同消

磨醉裏光陰

又題金陵皋園內止觀亭聯

水抱孤城烟靄有無渾不辨 窗開四面

雨晴濃淡總相宜

水月閣俗名魁星樓南通名勝處也面對五山溪

水環流遊者非舟不能渡張齋庵先生大魁後

改名果然亭民國四年改設公園亭臺樓閣非

復舊觀丁月湖題水月閣聯云

數點螺鬟綠楊陰裏 一聲漁笛紅藕花

中

又聯

鏡奩照檻一輪月 筆架當門五朶雲

五

又果然亭聯

畫檻欲凌雲風月無邊歸小閣 錦標今

奪得文章有價屬崇川

又適然亭有張齋庵聯云

世間科第與風漢 檻外雲山是故人

原跋余以清甲午成進士州牧邦人擷唐聖賢詩

語爲果然亭世間萬事得其適然耳丁巳余修此

亭不敢承前意也適然之事以適然視之適得涪

翁書遂以易勝

此聯已見二集而少跋語爰更錄之庶後人瞭然

於茲亭之因果云

又集范石湖句題北公園觀萬流亭聯

百年於人亦何有 一水之會新築亭

南通馬家花園爲馬覺軒先生別墅中有小蘭亭

亭有聯云

竹樹暑風茅簷冬日 晚菘秋末早韭春

初

南通顧姓谷曾烜之伯兄貞懿先生廿年司鐸牢

落甕裘歸自太倉得城南習氏園葺而居之命

曰借園有終焉之志結屋數十楹竹木陰翳怪

石當庭曲徑迴廊位置楚楚隙地數弓課僮樹

藝並獲野趣軒亭內外勝以聯語多朋好投贈

之作不盡愜貞懿先生之意姓谷因題聯云

衰年炳燭深寧叟 故國歸帆學究庵

又聯

儉歲之梁稷寒歲之纖纈 洪筆爲鉏耒

紙札爲良田

又聯

家計費經營一室安耕具一室安釣具

世情資閱歷半日對古人半日對今人

又聯

勝景稱清楣宛相逢武陵溪邊桃源隱者

高名符舊德應不減玉山堂上金粟道

人

顧氏望出武陵

又聯

奉胡安定教條經師南面經生北面 仿

陸平原故事阿兄東頭阿弟西頭

又聯

古今聯語彙選三集 園林

如此丰神但須誦離騷飲美酒 斯是陋室可以閱金經調素琴

又聯

佳興四時同楊柳風梧桐月芭蕉雨橘柚

煙芙蓉初日 賞音千載共鸚鵡賦鷓鴣

詩蛺蝶圖鳳凰曲蝌蚪古文

又聯

宜飲酒宜圍棋水木明瑟 請學稼請學

圃冬夏播琴

張退庵先生督營城南別業成自題門聯云

不作夔龍佐 聊同燕雀春

又其弟齋庵先生集唐句爲聯云

舍南舍北皆春水 山鳥山花吾友于

又聯

入水不濡入火不焚 與子言孝與父言

慈

秦縣姜堰鎮且園王季徵題聯

杜來閣基址無存荒涼三百餘年一壑一
丘重整頓 景山園雲祇有繼結構兩三
間屋半村半郭足棲遲

又集句聯

嘉葩美果列植而交蔭 疏泉鑿石闢地
以爲亭

如皋王琴夫觀察儻淡於榮利自浙任歸家于邑

東之馬塘鎮小治園林爲菟裘計丹徒趙曾望

爲題聯云

羣賢畢至少長咸集 三徑就荒松菊猶

存

觀察後更營別業於邨落間頗饒野趣曾望復

爲題聯云

羣賢畢至少長咸集 五穀垂穎桑麻鋪
芬

蘇州留園有聯云

留連酒德歎敖琴緒 園涉成趣門設常
關

又園內又一邨有聯云

頗嘲熱客熱 自喜懼仙懼

怡園主人顧子山先生文彬其自題園林之聯

集詞句裁紅翦碧脰炙萬口吾友方子未遠冒

暑往遊抄錄竟日用以見貽各聯已見初集尙

有主人擬就未用之作約八九十則爲朋好珍

祕吾友徐子仲可索諸姜子佐禹更以見貽於

是蔚然大備主人風雅好事近世罕觀三君好

事尤可感也茲彙錄於次其題過雲樓聯云

百年蒲柳先衰幸一枝粗穩三徑初成笑

指兒曹逐個出來爲壽萬事雲煙忽過

正商略遺編且題醉墨後之覽者又將有

感斯文

又聯

彈壓萬貔貅笳鼓歸來更能銷剪竹尋泉

和雲種樹來往一丘壑闌干拍徧算只

是看花索句采菊題詩

古今聯語彙選二集 園林

又聯

亭榭定風流舊雨常來冠蓋門前幾行李

毫髮皆帝力太平長策稻花香裏說豐

年

又聯

睡覺北窗涼缺月初弓好夢未成鶯喚起

木末翠樓出清風舊築去年曾共燕經

營

又集辛稼軒詞自題桂花亭聯云

喚個月兒來清光更多只放冰壺一色

從今花影下嬌黃成暈染教世界都香

又聯

淡酒醉鴻濛看天闊鳶飛淵靜魚躍 秋

水見毫髮要小舟行釣曲岸持觴

又聯

醉淋浪歌窈窕舞嬋娟老子婆娑算不負
可人風月 水潺湲石窠籠雲澗洞一時
登覽問何如過眼溪山

又聯

水中覺夢中蝶隙中駒綠野風煙恁做靜
中境 王家竹謝家池陶家柳平泉草木
須記舊家時

又聯

獨倚小闌干落日蒼茫我見青山多娥媚
正在一丘壑浮雲來去只今明月費招
邀

又聯

隨分杯盤雞豚社裏歸時節 種成桃李
蝴蝶花間自在飛

又聯

桃李趁時栽且對花前揩拭老來詩句眼
瓊珎無數碧何如竹外橫斜削盡短長

山

又聯

似爲我歸來花明柳媚 是傳家合在酒
令詩籌

又集張玉田詞題桂花亭聯云

但一庭風月幾曲闌干換卻繁華更底用
燕簾鶯戶 且料理琴書夷猶今古還將

樂事憑寄與象筆蠻牋

又聯

畫影舞飛梭乍掃苔尋徑隔柳呼船引將
芳思歸吟篋 夜遊頻秉燭試借地看花
行歌趁月猶未忘情是酒籌

又聯

雅志可閒時間結廬人遠款竹門深任他
車馬雖嫌僻 此心游太古記曲徑幽尋
插花短舞戲引兒孫樂有餘

又聯

游冶未知還閒留鶯管垂楊漁樓暗竹
登臨休望遠人倚虛闌喚鶴隔水呼鷗

又聯

古今聯語彙選三集 園林

閒扶短策懶賦長楊此景正宜清眺 吟
老丹楓坐分黃葉相尋只在寒林

又聯

水影動梨雲是鏡曲窺鶯簾冰卻燕 霽
痕消蕙雪看隨花鰲石撥葉通池

又聯

石磴掃松陰聽隔竹敲茶穿花喚酒 水
痕吹杏雨待移燈翦韭換鼎分香

又聯

雨笠風簑記得相逢竹外 筆床茶竈如
今也到鷗邊

又聯

篆徑通花渾疑夜牕夢蝶 籬根受葉微

煎石鼎團龍

又聯

冷石生雲花氣烘人尙煖
明波洗月珠
光出海猶寒

又聯

流水花間惟有閒鷗獨立
虛堂松外不
知白鶴飛來

又聯

臨水看雲閒情便隨鷗去
平波捲絮樂
事盡逐魚忙

又聯

清氣厓深歡游曾步翠窈
虛闌荷近樂
事盡逐魚忙

又聯

看峭壁垂雲晴峯湧日
乍掃蒼尋徑撥
葉通池

又聯

正冶思縈花吟牕翦竹
記開簾過酒響
石橫琴

又聯

玉洞分春移家靜藏窈窕
石床飛夢清
氣竟入崆峒

又聯

臨水看雲寸心分付梅驛
揮毫賦雪一
笑寫入瑤琴

又聯

鸚鵡珠簾三月休聽夜雨 鴛鴦錦帶幾

人來結吟朋

又聯

鸚鵡珠簾金字初尋小扇 鴛鴦錦帶輕

衫厭撲游塵

又集辛稼軒詞題桂花亭聯云

芳草春深從此蘭生蕙長 玉階山立十

分竹瘦松堅

又聯

酒令詩籌似欠舞瓊歌雪 花明柳媚何

妨倚綠偎紅

又聯

疑是花神有客驂鸞翳鳳 種成香草小

園曲徑疎籬

又聯

數盡歸鴉斜陽門外今古 不堪啼鴉駐

春亭上笙歌

又聯

鷄曉鐘昏萬卷詩書事業 潭空水冷一

天星斗文章

又聯

小閣橫空往事數尋飛鳥 翠巖誰削人

間疊作仙鼇

又聯

照影溪梅明月別枝驚鵲 醉懷霜橘冷

煙寒樹啼鳥

又聯

萬桂千杉風月而今堅壁 百年雙鬢山

林我輩鍾情

又聯

錦字偷裁說劍論詩餘事 瑤琴幽憤高

山流水知音

又聯

春意長閒閒處直須行樂 吾生堪笑笑

時猶有些癡

又聯

紫陌飛塵更看雨婚煙嫁 翠屏幽夢覺

來水繞山圍

又聯

琴裏新聲袖手高山流水 花邊得句賞

心樂事良辰

又聯

五柳喚人手把漁竿未穩 一尊遐思心

隨去鳥先飛

又集吳夢窗詞題桂花亭聯云

斜日起憑闌見竹靜梅深鵲樓勝處 春

雷初啓戶算柳嬌桃嫩燕子來時

又聯

飛露灑銀床幾樹殘煙共倚筠屏蔥蒨

垂楊暗芙蓉半簾夕照有情花影闌干

又聯

酌清杯問水繡檻展春花下淩波入夢

記曉葉題霜垂楊梳雨樓前有雁斜書

又聯

飛露灑銀床高樹數聲蟬送晚 晴霞翦

輕袂夕陽無語燕歸愁

又聯

金井暮涼高樹數聲蟬送晚 玉闌春住

一簾芳景燕同吟

又聯

春到一分繡陌漸薰芳草 橋通雙沼紅

波香泛浮萍

又聯

露冒蛛絲花徑啼紅滿袖 香籠麝水澄

波淡綠無痕

又聯

月約星期幾度吟昏醉曉 燈牕雪戶平

生秀句清尊

又聯

暗柳回隄歌蟬暗驚春換 仙桃傳宴醉

花卻要人扶

又聯

廊葉秋聲曲榭芳亭初掃 緜桃春起羅

屏繡幙圍香

又聯

巧石盤松細草靜搖春碧 垂楊梳雨長

絲初染柔黃

又聯

冰岸飛梅和醉重尋幽夢
苔痕澆石無言對立斜暉

又聯

傍柳追涼醉夢孤雲曉色
采花弄水鏡

開千靨春霞

又聯

綠野身安何用倚樓看鏡
紅簾影動正

是拾翠尋芳

又聯

返照樓空更上新梯窈窕
翠微路窄還

因送客遲留

又聯

笑折花歸渾是飛仙入夢
記穿林窈窕還

因送客遲留

又聯

鶯花醉吟除酒消春何計
鼇峯對起憑

闌淺畫成圖

又集周草窗詞聯

晝永瑣窗閒花露侵詩漫銷凝嬌綠迷雲

倦紅懶曉日遲簾幙靜槐陰移漏儘占

斷吹香新句照影清尊

又聯

秋水浸芙蓉四壁驪珠波影暖浮玉螿

晴空搖翠浪一聲龍竹素鱗遠避金鈎

又聯

花外琴臺自放鶴人歸何事登臨感慨

竹間棋墅喜嘶蟬樹遠不妨留待涼生

又聯

碎月搖花猶憶迴廊待月 癡雲翦葉悠

然倚杖看雲

又聯

羅綺圍春花氣半侵雲閣 銀床飄葉畫

闌倚徧桐陰

又聯

竹色侵棋花影暗藏深院 池香洗硯水

邊竚立多時

又聯

千古清愁金谷蘭亭同夢 一奩秋意萍

池蘚徑生寒

又聯

綠淨池臺玉影半分秋月 翠涼亭宇露

梢已挂疎星

又聯

碎月搖花燕尾翦開紅影 光風浮蕙柳

陰深鎖金鋪

又聯

香減春衫新陰纔試花訊 波搖簾影臨

欄自采瑤房

又聯

修竹天寒瑞鸞低舞庭綠 護香屏暖小

鶯寂妒春眠

又聯

金縷逗濃香看煙佩霞綃燕朋鶯友 翠

屏圍畫錦笑李凡桃俗蝶喜蜂忙

又集史梅溪詞聯

醉月小紅樓珠絡藏香一片秋香世界

疎雲縈碧岫蘚階聽雨幾層涼雨闌干

又聯

波影先涼已向冰奩約月 蘭燈初上可

堪竹院題詩

又聯

倚月鉤闌恐是持竿伴侶 臨風話舊寄

聲沽酒人家

又集蘇東坡詞聯

步翠麓崎嶇亂石穿空如對茂林修竹

抱素琴獨向綺牕學弄何妨低唱微吟

又集周美成詞聯

粉蝶多情華堂花豔對列 嬌鶯能語午

陰佳樹清圓

又集姜白石詞聯

雙槳蕩波扁舟僅容居士 一襟詩思此

地宜有詞仙

又聯

千古須臾當年事如對奕 一亭寂寞公

歌我亦能書

又集蘇東坡詞聯

多景樓中對酒卷簾邀明月 曲水池上

杖藜徐步轉斜陽

又集李質房詞聯

石筍埋雲風篁嘯晚 燈樓倚扇水院移

船

又集張斗南詞聯

金谷移春玉壺貯暖 苔痕湔雨竹影留

雲

又集蘇東坡詞聯

月色如銀繞徧迴廊還獨坐 天香染袂

更將沉水暗同然

又集蘇東坡辛稼軒詞聯

天香染袂月色如銀夢裏栩栩然蝴蝶 石

髓千年瓊瑤萬頃人間疊作仙釐

又集姜白石周草窗詞聯

古今聯語彙選三集 園林

高樹晚蟬三十六陂秋色 短亭逢雁幾

千萬縷垂楊

又集儲文卿丁宏菴詞聯

柳綫穿煙鶯梭織霧 雁紅攢月蟬碧勾

花

又集辛稼軒周草窗詞聯

著個茅亭雲錦周遭紅碧 漸催芳信筆

花俊賞丹青

又集姜白石張玉田詞聯

看檻曲縈紅檐牙飛翠 向橋邊喚酒樹

底行吟

又集吳夢窗周草窗詞聯

葺屋營花搜松訪石 聯詩喚酒頌菊騷

蘭

孟心史云常州白龍庵水榭清同治間由合肥李

鴻章修建徧題楹聯示得意蓋粵亂前讀書是

中而復城由李手也鼎革後屋亦傾圮近由地

方修復隔岸關第二公園沿堤栽柳以爲斯榭

之障庵傍西城兒時朝夕盤桓地也落成後題

聯云

煙柳倚闌看高城日暮風景依然長與釣

遊留勝蹟 滄桑隨燭轉舊壁紗籠題詞

安在莫將裙屐換浮名

錫山榮氏梅園聯

藏書何止三萬卷 種樹須教四十圍

又聯

幾生修得到 一半此勾留

又聯

歷長廣溪曲曲清流一水迴環入室猶通

香雪海 與東西山遙遙對峙片帆時渡

滿船合載洞庭春

又聯

吟壇問答追長慶 花榭壺觴繼永和

又聯

千樹梅花半輪月 萬家煙火一帆風

又園內書畫室聯

風送暗香來幾輩動閣中詩興 天空白

雲淨數峯見江上青山

戊子十月予偕同人遊梅園己未正月予寄題

一聯云

昔我來時花未開
今日花時我未來
也算神交難道是
前生緣法搔首問
天天不語低頭問
花花笑汝別無好
句那許做大地閒人

無錫西鄉太湖之濱有山曰鼇頭落近由邑紳楊

君等闢爲植果場並於山麓建橫雲小築迤北

一亭頗擅勝概書家秦郊農題落霞二字以眉

之亭聯云

招三兩漁樵春夏秋冬良夜攬萬千氣

象雨煙風雪斜陽

又某君集句聯

橫雲分疊嶂 落日澹平湖

古今聯語彙選三集 園林

無錫鵝湖華氏別業有聯云

兩樹碧梧桐清簾疎簾無俗韻 扁舟青
箬笠斜風細雨有良朋

無錫昝怡園爲顧氏別墅一花半葉軒有聯云

窺藻寸魚泉脈養 踏松么鳥石卷扶

又園內柳風閣聯

高樹半窗灑空翠 遠山一角含古青

又園內行和軒聯

團雪一叢碎霞萬點 凌雲百尺篩月半

池

宜興杜牧之水榭面臨東洑洑水方廣九里南通

罷畫溪杜客宜興時所爲詩有茶煙輕颺落花

風句潘伯彥題聯云

禪榻常閒看裊裊茶烟隨落花風去 遠
帆無數坐盈盈沈水從罨畫溪來

上海辛園聯

春醪獨撫秋菊盈園高謝人間每縱心長
往 花藥分列林竹翳如任懷得意便欣
然忘餐

又聯

綠水自然成澗壑 春風無日不山家

又聯

移石栽花種竹 烹茶酌酒圍棋

人民城郭是耶非把茅蓋頭看乾坤成毀

林泉風月今猶昔拈花彈指樂樓閣華

又聯

嚴

上海愚園有湯塾仙聯云

鍋可銷金占一隅其中娛老親足矣 鐵
誰鑄錯搗三舍使轉願賢者助之

又鄭海藏聯

棠棣並爲天下士 奮迹不受人間羈

出聯謂園主人柏生兄弟

又園內鳶飛魚躍閣聯

怪石四隅危亭一角 平橋六曲淺水三

篙

徐東海集蘇髯句題小萬柳堂聯

又聯

未成小隱聊中隱 可得長閑勝暫閒

飛雪闔天雲拂地 新蒲出水柳映洲

潘蘭史集句題海上半松園聯

翦取吳淞半江水 且盡盧仝七碗茶

又集蘭亭字聯

亭外一蘭領羣竹 林間曲水會諸山

又毛宗灝集句聯

勝遊還與邦人共 子由 壯觀應須好句

吟 子瞻

又梅濠根聯

彈指感滄桑紅塵爾許誰家燈火樓臺且
來尋一角園林話大帝殘碑將軍古壘
撐腸富丘壑綠野天然便抵谿山罨畫更

添得四時風景有龍華塔影歇浦潮聲

又某君聯

疊起一房山大好園林最難得茅屋沾春
竹篔消夏 翦取半江水別開境界更時
有車聲碾夢飄影催詩

又某君聯

綠樹四圍林罅燈光照蛩語 紅闌三面
亭前酒夢嚙秋吟

又聯

靜挹山光想雲林大手筆 平分水色得
并州快剪刀

又邵文錦聯

曲澗含輕雨 清軒祕曉霞

又方逋齋聯

細雨春帆黃歇浦 夕陽粉本大癡山

祠廟一

古三皇廟聯

德被生民爲聖 功侔天地曰仁

河南陳州太昊陵聯

剖造物之精永垂爻象 開生民之利共

樂佃漁

陳桐嶠逢元題神農廟聯

后稷善承先以稼穡明民配天合紀司農
績 許行空好古持饗殮立說入世徒爲
噉飯人

張喬庵題藥王殿聯

天下瘡一方痲醫國無人展拜空餘千古
恨 撫喬柯聽落葉疥癩有存徘徊猶憶

古今聯語彙選三集 祠廟一

卅年題

某君集龔定菴句題藥王廟聯

空山開覺路 大藥可延年

錢夢鯨題藥皇廟聯

要知治病先嘗藥 不是神人莫作醫

慈利田東溪先生金楠題女媧宮聯

以神祿配皇煌帝諦之尊道在人倫不使
衣冠淪異族 繼太昊俾天柱地維無恙
世留廟祀猶餘伏臘走村翁

顧姓谷題倉聖祠聯

自書契剏興梵右行伽盧左行卓彼軒史
爲中土生民治察所由其時作者二人何
以同官沮誦紀載弗傳焉驚風雨泣鬼神

一

蓋獨享盛名久矣 凡學童肄習史籀大篆李斯小篆粲然璧經皆古文奇字孳乳而出於法祀之百世豈惟故里利陽馨香無慝也節春秋致工作卽徧稱殷祀宜哉

又聯

上世治結繩制作肇興不亞於大撓容成
隸首史區伶倫諸佐 後人呻佔畢篇章
穀列更傳有爰歷博學凡將急就元尙等
書

又聯

六藝啓權輿小學十家猶自漢京徵故籍
千秋隆報饗斷文兩側更從衙縣覓遺
碑

南通武廟東偏故有隙地邑人聯惜字社奉倉
聖其中後有直省通祀之議乃恢拓葺構廟
貌聿新顧姓谷又題聯云

爲文字之祖子孫籀隸奴僕楷行句曲效
奎垣四千年載籍精英在天成象 有功
德於民劍舄彭衙豆籩設祔馨香通海甸
三百里人才都會飲水知源

王壽田獻壁集句題倉聖殿聯

夫子既聖矣爲人臣史載筆 後世有述
焉今天下書同文

陳桐階逢元題倉聖廟聯

古文仰作家論周孔神靈也當瞻拜門牆
於此同來問字 大筆驚雄鬼除梵盧伯

仲可以別開徑術其他未敢抗衡

德陽彭大俠劍威題倉聖祠龍聯

張旭何顛狂仗吃三杯酒亂塗幾點鴉也

在字中稱草聖 李斯亦妄誕擅變六書

通強分八體法敢於篆外廢古文

又題廣漢雨粟樓倉聖龍聯

天雨粟鬼夜哭 治萬民察百官

某君集杜詩題禹王廟聯

疏鑿控三巴深山大澤龍蛇遠 勛業超

千古複道重樓錦繡懸

楊蘇父先生題漢中大禹祠聯

原濕甸南山湖八載神功如見巨靈開太

華 祠堂開東漢看千秋順軌流將明德

過瀟湘

又聯

地平天成萬世賴 沐日浴月百寶生

永康禹王廟聯

五穀熟而民人育 九河疏則水土平

江津禹王廟聯

岳牧無才庸虞不免憂饑溺 岷嶓旣蕪

飲食宜思孝鬼神

石門袁少枚尙賓題南京禹王宮客座聯

君山茶澧浦蘭武陵桃花土物似言故鄉

好 鍾阜樹秦淮月莫愁烟雨風雲常學

此堂雄

王達村題韓城禹廟聯

一道盤空白雲覆地 兩山立壁黃河中流

又王樵也聯

東龍門西夔門行地喜安瀾歷數勝游疏鑿千年懷禹蹟 左晉嶺右秦嶺極天撐峭壁中分兩界別開一線走河流

江濱廟有聯云

蕩蕩乎民無能名通地脈靈江淮河漢是也 滔滔者天下皆是以水德王蛟龍魚鼈生焉

吳鴻昌題秦伯祠聯

上德不德希蹤巢父抗節子臧是名教完人三讓高風殊卓絕 求仁得仁介弟仲

雍裔孫季札更後先濟美雙江流澤卜靈長

無錫惠山尊賢祠聯

奮百世下頑廉懦立 環兩山間泉甘土肥

宜豐胡思敬題夷齊廟聯

君父未亡忍饑那可遽死 干戈不靖惟讓乃能息爭

文廟聯

道與天地參功滿天地名滿天地 書留春秋在知我春秋罪我春秋

又聯

道若江河隨地盡成洙泗 聖如日月普

天猶是春秋

江寧縣孔廟二門有聯云

脩其天爵 教以人倫

江蘇淮安清河縣大成殿有聯云

博學審問慎思明辨篤行修其天爵 君

臣父子夫婦昆弟朋友教以人倫

某縣聖廟集句聯

堯舜之道孝弟而已矣夫子之道忠恕而已矣 禮云禮云玉帛云乎哉樂云樂云

鐘鼓云乎哉

曲阜孔聖廟聯

覺世牖民詩書易象春秋永垂道法 出

類拔萃河海泰山麟鳳莫喻聖人

古今聯語彙選三集 祠廟一

又復聖廟正殿有聯云

一陽復收天下春周冕虞節五百帝王分
譜牒 三月仁通古今運文經禮緯萬千

俎豆應簞瓢

施子祠聯

其地與廉子祠並壽名山水木湛清華孔
教文明思高弟 本朝有靖海侯立功異
島雲祊多才俊夏風孱弱望強宗

施子孔門弟子魯人也名之常字子恆封臨濮侯

某君集句題孟子廟聯

入則孝出則弟守先王之道以待學者
仰不愧俯不忤得天下英才而教育之

又蘇開泰聯

五

由仁居義傳堯舜禹湯文武周孔之道
知言養氣充惻隱羞惡恭敬是非之心

又聯

舍伯夷之清伊尹之任柳下惠之和願學
孔子 能富貴不淫貧賤不移威武不屈
此謂丈夫

許仙屏題大梁信陵君祠聯

大河南北望 萬里風雲通

黃梅峯題雲南鶴慶魯班祠聯

化工無工入斯門休輕弄斧 成器不器

似此老方許斲輪

灌口新建李太守專祠楊慶伯侍郎題聯云

蜀封在秦惠廿有七年其時中國始通天

遣名臣開險界 江水出岷山百五十里

此地上游高踞人傳神蹟廓靈關

湘潭吳劭之熙代蕭玉衡題屈子祠聯

痛飲讀離騷放開今古才人膽 狂歌弔
湘水照見江潭漁父心

又代陳培心聯

風雨誦離騷香火升龕薦芳草 水軍喧
競渡樓船載酒酌先生

祠爲水師所建

程正鑿題金陵三閩大夫祠聯

何所獨無芳草沅芷澧蘭與波上下 欲

寄言於浮雲椒堂桂棟乘氣往來

陳桐喈逢元題三閩大夫祠聯

何事悲入關三章約法終秦紀 有辭盡

哀郢一卷離騷補楚風

永嘉華蓋山下有東甌王廟祀漢東海王騶搖王

爲句踐七世孫爲秦所滅遂率其民從諸侯滅

秦又從漢滅項籍惠帝三年封東海王都東甌

甌人尊爲地主立廟祀之明洪武間詔定爲東

甌王然史記已有東甌王之號矣朱竹垞作廟

碑載曝書亭集允推傑構近來邑人鳩資修葺

規制闒麗爲一邑冠冒疚齋廣生有聯云

守殷人尙鬼遺風開國承家公眞健者

仲魯史復仇大義取威定霸侯其禱而

又呂渭英文起聯

竹帛冷秦灰霸統猶存東越傳 河山開

古今聯語彙選三集 祠廟一

島國部民爭拜漢官儀

又錢伯吹熊璦聯

東海起風雲王氣獨鍾甌脫晚 大江流

日夜霸才無恙越山多

又未刊楹柱聯

王者不並生田島無靈五百頭顧浮海去

霸才誰繼起錢塘在望三千鐵弩撼潮

來

澳書田橫亦爲東海王

又余筱泉朝紳聯

漢庭異姓封王禹後果然明德遠 甌海

生民初祖越亡長此世家存

又聯

秦楚之際論英雄須知大漢褒功別開荒
服 吳越諸王皆僭竊誰似我甌啓土長
作藩屏

又前温州軍政分府徐定超聯

公本以王業肇基自昔馨香明德遠 我
曾在是邦守土若論功罪疚心多

游子代題彭城憤王廟聯

天地低昂龍虎氣 雌雄爭戰帝王才

某君題項王廟聯

天意欲興劉到此英雄難用武 人心猶
慕項至今父老尙稱王

無錫萬頃堂旁古項王廟聯

拔地山雄舊跡猶留霸王廟 平湖浪靜

名區近接美人崖

漢九江王英布墓在六安城內關帝廟後院有李

醉仙聯云

刑而後王當大地紛爭豪傑屈身聊建業
反原宜死奈功臣盡戮英雄走險冀偷
生

褒城縣北雞頭關有白石神君祠碑載楚漢戰爭

神化身助漢祖樵採荒謬可笑項王何嘗進兵

漢中耶楊蘇父先生題其祠聯云

白石有靈佑我去來安且吉 青山不語
知他楚漢是耶非

又聯

歷七八折峻坂以來到此青天通呼吸

護千百族坦行而去何年白石祀神君

周春華題彭思王廟聯

彭王就國南來幻夢一場到此地方開覺
路 澧水環山東去回頭是岸教時人莫
問前程

諸暨駱筠孫廣文元箴題蕭王廟聯

神其享之遠道驅車下豐沛 侯竟王矣
當年失策笑韓彭

楊蘇父先生題紫柏山留侯祠聯

以三寸舌爲帝師帷幄贊襄是前代皋伊
之亞 出一編書授孺子淵源付託開漢
廷黃老之宗

留侯祠有精室三楹窗外瀑布絕佳蘇父先生

古今聯語彙選三集 祠廟一

又題聯云

客夢好憑流水浣 雞鳴或有老人來

又集唐句聯

泉源在庭戶 世界接人天

清苑樊蔭蓀榕題陝西留侯祠聯

雖云山林宜人那須過客登臨祇談風月
况值國家多難不有先生勲業莫學神
仙

陳桐階逢元題留侯祠聯

陳孺子肉味深嘗不問道家來穀食何如
穰覈好 安期生棗膏嚙咀當爲皇帝說
松醪更比玉瓜甜

長沙賈公祠落成或倩黃海華爲聯云

九

謂我公不善處才殊非篤論 况今日正
宜痛哭安見斯人

又某君聯

故宅重興眇湘水天涯依然三載棲遲地
蒼生無恙對寒林秋草正與諸君憑弔
時

洞淵宮相傳所祀者爲博望侯某君題聯云

葡萄夏熟苜蓿秋高緣何今日人間偏司
瘴癘 菰米沈雲梨花擁雪試憶當年塞
上無此風光

富春嚴子陵祠聯

釣者不在魚也 先生其猶龍乎

某君題子陵廟聯

一件蓑衣骯髒那朝中黼黻你有你的四
海我有我的千秋天下已定老子何必官
耶本朋友義不君臣只可把富春山長讓
與先生把釣 兩支夢脚驚動了上界星
辰尊莫尊者帝王高莫高者道德此才弗
用寡人以爲過矣望嚴灘却思商皓縱然
算豁達度能屈他漁父同床

又戴槃聯

惟巢由乃可與並駕 微光武不能成其
高

金岱峯廣文題許涑長祠聯

家傳十四篇書合三倉爲一 律試九千
字學稱五經無雙

又題鄭北海祠聯

六藝折中身教爲言教 四民矜式經師

卽人師

惠麓陳太丘祠聯

德星五百里間漢代衣冠慚令長 世澤

三千年後名山俎豆衍虞姚

嘉興王芾昀甲榮題橫州大灘馬伏波將軍廟聯

云

廟貌壯河山想見將軍猶矍鑠 江聲流

日夜往來旅客總平安

白帝城昭烈廟聯

正統千秋尙有紫陽綱目 託孤數語常

留白帝城頭

清苑樊蔭孫榕題成都昭烈帝廟聯

帝本燕人記向鄉祠崇百祀 蜀爲正統

漫言天下尙三分

成都昭烈墓有聯云

天府古益州劇憐五丈荒原出師遺恨終

巴蜀 漢家舊陵寢贏得三分正統望帝

歸魂拜杜鵑

關聖廟聯

孔夫子關夫子萬世兩夫子 修春秋讀

春秋千古一春秋

又明王文成公聯

天無二日民無二王已矣乎吾未之信到

今有憾三分鼎業 義不可廢節不可奪

強哉矯至死不變平生無愧一部春秋

王湘綺題江南關公祠聯

杯酒斬顏良河北英雄齊喪膽 單刀會

魯肅江南名士盡低頭

左文襄題常德關廟聯

史策幾千年未有上繼文宣大聖下開武
穆孤忠浩氣常存樹終古爨倫師表 地
方數百里之間西連漢壽舊封東接益陽
故壘英風宛在想當年戎馬關山

張香庵題海門長樂鎮關帝廟聯

中國尊爲聖人廟食何論吳地盡 此里
故沿長樂鐘聲猶似漢家無

憩厂題關帝廟聯

爲千載下朋友與君臣先立其則 問從
古來英雄而神聖復有何人

六安汪蘅齋先生之高祖啓英公題關帝廟聯

附聖人之末光猛將佳兒同萬古 得夫
子之正氣寶刀駿馬亦千秋

廟中關帝像旁塑有關平勒馬及周倉持刀像

楊蘇父先生題關帝廟聯

忠義定徽稱昭代榮褒非大聖孰能知聖
艱難扶帝業同心誓死唯使君可爲之
君

又題鷄頭關帝廟聯

秦蜀此咽喉地繫漢家終始運 風雲護
祠宇靈昭閣道往來人

慈利田東溪先生金楠題乾堰關帝宮聯

臣而帝武而神廟祀普天下通民社 澧

在南澧在北江流遺憾遠匯荆門

又題澧縣關岳廟聯

絳灌功名千年如生痛襲荆陷檜兩皆未
用功名終是人國不祥故人國即從而隕
穫 江湖門戶九澧之蔽稽拒魏禽么獨
毅然遮門戶戰為地方作衛斯地方永報
以馨香

慈利吳悔晦先生題大尖山關廟聯

版圖本荆澧連疆自呂蒙潛師此土三分
非漢有 祀典以帝王號廟考陳壽作史
當年五等祇侯封

山西人在滬設肆情憚季申先生為作關帝神龕

聯云

義氣薄雲天生不二心漢先主 忠肝貫
金石後有千秋岳鄂王

又聯

三晉英靈篤生夫子 四時報賽先酌鄉
人

錢夢鯨題關廟聯

氣秉至剛原與吾儒同一脈 威行無外
何曾天下有三分

沈刺史昭興題澧縣武廟聯

雖經歷代崇封不忘漢壽亭侯四字 要
釋當年遺恨端在紫陽綱目一書

忠縣羅煥雲集論語莊子句題關廟聯

智者不惑仁者不憂勇者不懼 至人無
己神人無功聖人無名

婺源江湘嵐峯青宰嘉善題武帝廟聯

此何地哉溯郡分吳會縣析魏塘久無尺
寸屬孫曹惟公浩氣長留膺累代崇封咸
仰上儀侔帝制 神來格矣看雲擁靈旗
雷轟天鼓猶是聲威震華夏爾日海氛多
惡願降魔伏寇俾知中國有聖人

又聯

吾道實賴干城允文允武 惟帝可稱夫
子作君作師

又聯

靈鍾泰岱曰山西聖人下則爲河嶽上則
爲日星沛塞蒼冥浩然天地有正氣 義
結桃源第齊東野語君視如手足臣視如
腹心力扶漢祚明乎春秋無二王

梁卓齋先生爲長沙名宿設帳廣福庵時題關帝

神座聯云

平生爲昭烈帝誓殄國讎雖傲矜亦義勇
所在 今日與文宣王抗衡廟食是豪傑
可聖賢之徵

薛鍾斗題關聖廟聯

生山西事蜀西俎豆祀城西樓閣平分宋
室詞人同百世 謚神武隣真武馨香並
忠武聲名華夏漢家國士獨千秋

寶鑄題焦山關帝廟聯

此吳山第一峯也問曹家橫槩英雄而今
安在 去漢代二千年矣數當日大江人
物不朽者誰

丘菽園題關壯繆祠聯

能讀左傳亦名家何必附會春秋反使專
門讓杜預 不許孫權爲匹敵應憐便宜
曹魏致令遺恨弱炎劉

鄭伯屏大令藩題如皋關帝廟聯

有半點生死交情方許入廟謁帝 無一

毫光明心迹何須稽首焚香

王壽田獻壁集句題關帝廟聯

世篤忠貞昔公勤勞王家罔不同心匡乃

古今聯語彙選三集 祠廟一

辟 布昭聖武凡我有官君子勿替敬典
作之師

鼓山湧泉寺內迴龍閣上有關帝樓陳寶琛寶璐

題聯

高樹夾明漪本來清淨宜常住 危峯當
傑閣合有英靈在上頭

夏孝廉力俊題漢口關帝廟聯云

漢室在心漢水在目惟爾有神光大漢
江南者吳江北者魏何人雪涕對晴江

某處關帝廟聯

仍是舊江山何處荒祠吳大帝 依然新
廟貌陋他疑塚漢將軍

又某君聯

十五

見義必爲真勇烈 于心無愧是神明

又聯

悠悠乾坤共老 昭昭日月爭光

南通川至庵近改爲僧立小學校內有關帝像某

君聯云

勝地結煙霞門外吳山低首 丹心懸日

月寰中漢鼎留香

京口三義閣聯

若傅粉若塗朱若點漆誰謂心之不同如

其面 忽朋友忽兄弟忽君臣信乎聖不

可知之謂神

某廟合祀文武二帝有聯云

爲蜀人爲蜀臣同是西方之聖 號文帝

號武帝尊於南面而王

新化周芍衫延俊題洛伽菴內三義殿聯

王業不偏安英雄割據蒼茫恨 崇陽餘

夕靄龍虎風雲慘淡時

某地文武殿聯

七星共主文章與北極分躔英光燭漢

百尺正臨江渚笑東流不轉遺恨吞吳

又聯

火德未衰炎漢至今猶炳耀 帝星朗照

文昌到此益光輝

金堂何麓生觀察元普題洗馬池趙順平祠聯

將軍不可無馬汗馬三分洗馬以來空凡

馬 先帝嘗稱子龍從龍百戰臥龍而外

一神龍

子龍墓聯

以此橫身膽曾當百萬兵
千秋草木餘生
氣 奠公一杯酒
試問三分國
幾個英雄
得壽終

蜀中桓侯廟聯

春雨樓桑無限落花悲
帝子 秋風劍閣
有人灑淚弔將軍

涿州張桓侯祠聯

井里猶存一旅旌
旗先翊漢 樓桑未遠
千年魂魄尙依劉

上庸陳桐階逢元題桓侯廟聯

邈寒膽見其武顏
戴頭感其恩
恩非暴武

古今聯語彙選三集 祠廟一

維桓不暴而桓千古偉人有光漢族 蜀

爲君事以忠魏爲賊討以義義入神忠愛
國惟神在國萬家香火宜配關侯

又題桓侯墓聯

君知劉豫州乎畧分言情似說生能助臂
身是張翼德也成仁取義可憐死不歸
元

雲陽張桓侯廟後禪房聯

地有崇山峻嶺茂林修竹 日但杜門蔬
食誦經讀書

江南駐馬坡諸葛武侯祠聯

慕綸巾羽扇風流俎豆維新比之西蜀祠
堂南陽廬舍 冠鍾阜石城名勝江山依

十七

舊渺矣吳宮花草晉代衣冠

又聯

千古江山聯北固 一廬風雪憶南陽

重慶武侯祠旁有不繫船某君題聯云

如天上坐 在水中中央

又集武侯句聯

且看小檻新花發 不繫虛舟盡日橫

蕭玉衡代某集句題諸葛祠堂聯

政成民已和伯仲之間見伊侶 江流石

不轉風雲常爲護儲胥

五丈原武侯廟聯

全才豈限三分國 大勢難支五丈原

成都武侯廟聯

三分天下四川地 六出祁山五丈原

又聯

此老不工畫不善書不精雜詩壓倒蜀吳
魏中幾多僞士 其人可託孤可寄命可
臨大節算來夏商周後一箇純臣

又聯

將相本無種 帝王自有真

祠旁惠陵

又瀘縣萬慎子慎聯

三國志猶存文同謀誥功比伊周龍驤虎
步踏藉中原如此奇才從異代表揚訂墜
拾遺知心事有陳承祚 千秋人幾箇布
衣躬耕時艱手定鸚鵡願鷹麟不可一世何

物老子溯我朝勳舊搜仇索耦衆口爭傳
左季高

又聯

閒時抱膝梁父成吟吳宮魏闕半消磨眷
念真王九州幸有先皇帝 盡瘁鞠躬佳
兒足繼裴註陳書多刺謬憑誰假託兩表
常疑後出師

又曾耀斗聯

布衣吟嘯足千秋草廬頻顧臥起潛龍蜀
丞相盡瘁鞠躬非得已也 竹帛勳名垂
兩代漢祚將終霄沈鶴羽杜少陵酸心嘔
血有由來哉

瀘縣忠山呂祖閣武侯祠題聯者甚衆某君一聯

古今聯語彙選三集 祠廟一

云

一夢酣然不信枕頭先我醒 三分如昨
須知鼎足要人扶

又武侯祠內江山平遠堂有任清如聯云

三千世界之中如此江山卻難爲畫 十
二萬年而後不知風景又作何觀

又趙某聯

彈棋頌酒讀畫弦詩清讌有時謝冠蓋
沙鳥風帆烟雲竹樹曠觀無際對江山

又武侯祠中琴亭有某君聯云

南陽諸葛真名士 天下英雄惟使君

又某君聯

臣本布衣一生謹慎 君真名士萬古雲

霄

瞿子久題白馬關諸葛祠聯

三代後一人古來才子難爲用
六出師兩表文采風流今尙存

楊蘇父先生題沔縣諸葛武侯祠聯

三足鼎安在哉我來尋丞相遺踪賸沔水
湯湯流千古恨 五大洲多事矣誰能挽
先生復起奮天威赫赫攻百蠻心

又題定軍山武侯墓聯

天所廢誰能興追念龍驤虎視未了臣心
憑弔那禁碑下淚 神之來不可度聞道
風馬雲旂猶寒賊膽英靈常護沔陽人

洪楊陷沔城夜見神兵蔽山遂引去

綿竹諸葛雙忠墓有聯云

想當年國勢垂危臣主戰君主降止爭得
盡瘁成仁碧血尙膏劉氏土 信名士宗
風無忝父死忠子死孝問同是捐軀赴難
青燐誰識鄧家墳

崇州華王廟聯

漢獻之朝恨無醫國 神農而後賴有傳
人

沈竹安題如皋華陀像旁聯

橐鑰無傳一卷傷心獄吏火 戶樞不蠹
片言終古活人方

祠廟二

陸宣公祠聯

昌黎當在弟子列 宰相須用讀書人

又聯

既恐負君又恐負學 不為良相即為良

醫

何子貞集句題忠縣白香山祠聯

我有大裘長萬丈 曾共梅花醉幾觴

沈刺史幼嵐集句題白公祠聯

多於賈誼長沙苦 莫作忠州刺史看

江湘嵐峯青題韓文公祠聯

豈惟潮人士敬戴先生誠開衡山之雲威
戢鱷魚之暴 宜與朱紫陽並崇謚號道

古今聯語彙選三集 祠廟二

原二氏之謬文起八代之衰

勞光泰進士題普寧三都韓祠聯

其文如北斗皆企焉望之况來刺史 此
地亦先生所履而過者舊屬潮陽

又某君聯

先 天下文章莫大於是 北方學者未之或

杜祠在西安城南牛頭寺左側兵燹後拓寺基為

之東有客寮遊憩最勝南通顧姓谷曾烜題聯

云

初地總非真斜月半規侵佛國 古人如
可作寒泉一掬酌詩王

洗雪畊大令寶翰題平江縣杜工部旅冢聯

衡嶽本兩間靈秀所鍾書契以來帝王何
塚將相何墳我詩王潤色山川越千年華
表巋然獨伴炎虞鎮陵谷 汨羅爲百世
詞章之祖左徒而後八代寢衰三唐寢盛
諸君子淵源風雅喜此地人文蔚起不譚
梁豫有祠堂

劉嘯園先生云杜詩年譜大曆八年公自湖南將

歸洛陽卒於潭岳之間旅殯岳陽今平江縣小田

詩聖遺阡是也同治間李次青方伯重加脩葺拓

其旁爲詩社春秋雅集遂成勝地大令宰是邑題

聯於楹名蹟益著汨羅江在縣西境有屈子祠與

杜墳亦近

江陰縣城內有張睢陽廟地與江蘇學政節署相

近黃漱蘭侍郎體芳督蘇學時嘗捐廉俸葺而

新之因於楹柱題兩聯其第一聯云

無餉又無援臨淮張樂彭城擁兵嘆偏隅
坐困將才自古英雄干衆忌 能文斯能
武操筆成章誦書應口幸試院近依公廟
至今靈爽牖諸生

其第二聯云

男兒死耳復奚言若論唐室功臣四百戰
勳勞豈輸郭李 父老談之猶動色敢籲
揚州都督億萬年魂魄永奠江淮

江莘農志伊題旌德縣雙忠廟聯

扼安慶緒首尾援師使神京再造靈武中
興卅六人抗節孤城保障勳勞高李郭

與顏常山後先殉國自贊皇辨誣昌黎論
定千百載表忠雙廟馨香俎豆徧江淮

黔俗奉黑神實卽南霽雲也以其子承嗣歷知婺

施諸州遺愛在民因祀其父以報之麟見亭題

聯云

長君有三州惠政父在斯爲之子 大將
著一指精忠民無能名曰神

吳越王廟聯

吳越之間至今樂土 漢唐以後無此賢
王

惠麓錢武肅王祠聯

兩間浩氣尙存吳越謳思猶有南代金書
遺澤在 一念精誠所感山川震撼爰攜

古今聯語彙選三集 祠廟二

北關鐵弩射潮回

又聯

跨有東越雄爭南代 表忠北宋崇祀西
湖

范文正公祠聯

兵甲富於胸中一代功名高宋室 憂樂
關乎天下千秋俎豆重蘇州

無錫范文正公祠聯

萬笏朝天開百世子孫支派 九龍匝地
拱千秋丞相祠堂

又聯

宗祠旁惠麓名山後樂先憂想見歲寒堂
氣象 祖德詳宋史列傳修業承志乃是

三

文正公子孫

江湘嵐峯青題范文正公祠聯

斷齏僧舍處江湖猶廟廊抒懷在岳陽樓
記一篇後天下樂先天下憂秀才以民物
爲心其任重也如此 捧檄魏塘仰斗山
於邦哲茲地有丞相祠堂兩座外不負君
內不負學論世至陸宣公而降微斯人誰
與歸

南海三公祠祀虞蘇韓三公共享殿有聯云

周召王化所基考獻徵文不獨纂成耆舊
傳 燕趙古稱多士希風采韻相期同翊
聖明時

又何子貞聯

搔痒不着贊何益 入木三分罵亦真

吳江三高祠聯

舊蹟難尋相距八百三十年之久 高風
可仰總在三萬六千頃之間

伊秉綬題秦縣岳墩聯

天留宋朝壘 人說岳家軍

吳柳堂先生題五泉山精忠閣聯

曾謁蕩陰祠讀壁上殘詩驚雨驚風雪盡
猶餘鴻爪在 重登蘭嶺閣望峯頭夕照
好山好水月明應有馬蹄歸

長沙余蘭陔廣文炳奎有題金臺山岳武穆廟聯

云

此地錫號金臺市駿求賢妙喻隱符良馬

對 何年鑿成石檜麗牲嘆血極刑如戮
大奸身

錢伯瑜題岳王祠聯

萬里壞長城歎息北征將士 中原撐半
壁傷心南渡君臣

福州楊龜山先生道南祠提督彭紀南楚漢題聯

云

斯文歷千古而長存如見陰常居大冬陽
常居大夏 吾道補兩間之缺陷何虞天
不滿西北地不滿東南

黃山谷祠聯

直道莫能容却聽雨登樓薄醉平生無此
快 大名長不死慕落星結屋論詩異代

久相師

登州天后宮中有蓬萊閣閣右爲蘇公祠內供蘇

公像徐東緒集坡老詩題聯云

不向南華乞烟火 又來東海看濤山

惠州西湖蘇文忠祠聯

北客幾人謫南粵 東坡到處有西湖

山左登郡丹崖山蘇文忠祠內有某集蘇句爲聯

云

我是東坡老居士 儼然天竺古先生

又聯

獨立千載誰與友 往看萬壑爭交流

上庸陳桐喙逢元題眉州三蘇祠聯

地接錦江看君君臣臣有昭烈壯武西鄉

一樣大名垂宇宙 文稱蘇海歎父子
子如蓬萊瀛洲方丈三峯並峙是神仙

又清苑樊蔭孫榕聯

似此父子兄弟萃於一門那許忌才歸造
物能以經濟文章傳之千載何妨講學
讓儒家

黃符澤尊人宰鳳陽日集蘇句題東湖東城祠聯

云

俯仰古今情何人更似蘇夫子 供張園
林美他日終煩顧虎頭

又題祠中神龕聯

欲把新詩問遺像 不妨樽酒寄平生

福州西湖李忠定公祠有沅陵吳大廷聯云

南渡山河猶憶趙 西湖風月近依林

原跋云同治丙寅七月既望楊子恂太史邀遊西

湖李忠定祠祠右爲林文忠祠是時忠定祠已傾

圯子恂謀於子欲以新之并囑紀以楹聯予敬諾

之將倡捐鳩工而先題二語以志景仰云

又許世英聯

十里湖光比西子 千秋事業憶南朝

孫琴西太僕題葉水心祠聯

南渡文章歐王鼎立 永嘉學派陳薛代

興

陳爲陳傅良薛爲薛師石

某君題蕪湖朱子祠聯

距新安六日來程鳥度人行恍覩舊時山

月 去有宋七百餘載家尸戶祝猶敦古
處鄉風

六安汪蘅齋先生之高祖啓英公題汪太傅立信

公祠聯

我公乃宋室大忠臣問今朝讀史幾人不
流涕淚 何處是趙家乾淨土嗟當日撫
膺太息莫挽山河

鄭俠上流民圖罷歸囊止一拂因自號一拂居士

少時曾讀書清涼山閩人就地祠之葉文忠向

高榜其門聯云

諫草有千言自信丹青能悟主 歸裝惟
一拂可知琴鶴亦妨人

蕙麓有宋殉節招討宗白趙公祠中有聯云

古今聯語彙選三集 祠廟二

衛社稷以捐軀宋室孤忠大節偕信國疊
山爲一 歷春秋而崇祀孫枝鼎盛報功
在九峰二泉之間

無錫胡文昭公祠祀宋天章閣侍講瑗有聯云

是天民之先覺 舍斯人而誰歸

又聯

文宣肇啓文昭木鐸千秋教媿江河日月
有虞直開有宋雲祲萬禩家傳禮樂詩
書

裴曉閣先生題合肥包孝肅祠聯

不愧讀書人移孝作忠想見正色數言永
敦國本 是真閻羅老看花載酒安得開
顏一笑重觀河清

七

祠有香花墩

某題梅縣文丞相廟聯

南朝狀元宰相 西京孝子忠臣

甌江中孤嶼有祠祀宋文丞相因公於德祐二年

浮海至溫留宿嶼中中川寺題壁一詩今刊寺

中曾曼琴增題聯云

白雁讖妖聲一旅孤舟莫挽厓山事去

黃冠殉故國大江落日好招柴市魂歸

又邵齊然聯

西臺義動三千客 北斗光明二百州

又揚子萱炳聯

英靈咽怒潮遺廟低徊南渡後 羈旅哀

荒嶼殘疆搶攘北歸時

又黃維諧聯

正氣足千秋祇今砥柱中流得力在惶恐

灘頭零丁洋裏 忠臣惟一死壯此崇祠

孤嶼觸景到羅浮山下揚子江心

信國留宿中川寺詩有羅浮山下雪來未揚子江

心月照誰之句

秦縣海安鎮文信國祠聯

海道昔曾經蝦子灣頭一葉扁舟支半壁

祠堂今重建鳳凰山下千秋詞客弔孤

忠

某邑文信國祠聯

下為河嶽上為日星崖山千古文山千古

孔曰成仁孟曰取義相國一人信國一

人

孤山林兆霖典史墓前有祠祠有明克厂所題之

聯云

上下五百年處士忠臣各今古 迴環三

十里于祠鄂廟共湖山

李丙榮題余忠宣公祠聯

臣死忠子死孝妻妾死義更戚屬僚佐士

民卒伍感恩從殉者且二千人有奇軼事

邁古今直合晉卞壺唐張巡明黃觀諸賢

臨難遺徽並作一時血性 國有諡史有

傳都邑有墳况縉紳先生野老田夫垂涕

而道之閱五百年未艾大名光宇宙好借

清水塘風節井正氣樓幾處流芳勝蹟永

存萬世綱常

風節井爲忠宣夫人及女殉義處清水塘爲忠宣

殉義處正氣樓在忠宣廟左

雨花臺方正學祠聯

管仲不爲著這件麻衣十族章身惟此物

成王安在看那枝鐵筆一時橫掃到千

秋

青田石門洞爲明劉文誠讀書處有飛瀑最勝某

君作祠聯云

泉飛千尺帝將用汝作霖雨 壁立萬仞

人皆仰公若泰山

濟南大明湖鐵公祠聯

鐵板下山城至今蘆荻秋風猶是軍聲動

鼓角 銀塘開水榭對此芙蓉初日最難
清氣得乾坤

甌江孤嶼文信國祠左有卓公祠祀明侍郎瑞安

卓敬有聯云

上策徒藩封北固山青倦眼不教覩病虎
故鄉雖廟食東甌水白忠魂猶誓奉潛

龍

又卓公祠門聯

作管夷吾有所不屑 惟方正學可與爲

鄰

孫衣言題卓公祠聯

生有神靈鄉里猶傳騎虎事 沒垂天壤
權謀翻恨徙燕書

孫鏞鳴題卓公祠聯

忠孝人盡可爲登斯堂也春實秋華毋墮
浙中學派 魂魄公應戀此靈之降兮雲
車風馬來聽江上書聲

明秦良玉駐兵處在京師虎坊橋迤西今地名四

川營者是也良玉所統女兵號白桿軍曾駐此

蜀人祠之且設四川女校於中門題蜀女界偉

人秦少保駐兵遺址十二字神龕前懸一聯云

去勝國垂三百年任劫火銷沈猶贖數畝
荒營大庇北來桑梓地 起英魂於九幽
地看遼雲慘淡應添兩行熱淚同聲東哭
海天涯

仲可云京師棉花胡同一帶皆其部兵紡績之所

屯田政策女子乃得實行其謀略亦偉矣

阮文達公題東莞袁經略祠聯

成三字獄冤比岳司勳最可憐黃口女白
頭親遠戍閩疆兩地山川埋怨骨 挽六
軍心忠先史閣部止博得紫泥封丹荔酒
榮施梓里千秋俎豆奠羈魂

一作東莞明府仲振履撰

史公墓在揚州裔孫史樸題聯云

家國兩封書壯明代二百年江山之色
衣冠一坏土增溧陽五十世俎豆之光

又江人鏡聯

天地有正氣 園林無俗情

福州城內于山又名白石山爲城內三山之一風

古今聯語彙選三集 祠廟二

景殊佳有醉石亭爲戚繼光破倭飲至策勳時

所建三百年來鞠爲茂草數年前幾爲媚外者

所盜賣民國六年邑人呈請官廳爭回重修是

亭亭左建戚公祠煥然一新祠內有郭兆昌聯

云

功德在民百世祀可也所望一靈不泯
城郭猶是四方來觀者免教再過爲墟

又聯

忍教此地爲戎片石護存完我責 正值
中原多故長城宛在緬公靈

又閩侯知事王述會聯

公德在閩聽左海謳歌醉石巍我徵偉烈
我來自浙數故鄉人物入祠展拜識英

十一

雄

邵蓮士撰贛州兩浙鄉祠王文成公祠聯

揭良知于關閩濂洛而還卽蓬瀛島國學
者胥宗况復近聖人居歸越讀遺詩每瞻
戀時雨堂深瑞雲樓遠 揆文教以南贛
汀漳爲盛與梅嶺雄圖屹然不朽我愧從
大夫後籌邊無善策空悵望鬱孤臺畔惶
恐灘前

邵時任贛南道尹鬱孤臺爲贛城名勝惶恐灘則

在贛屬十八灘中

陳蘭甫學博禮題廣州南園五先生祠聯

勝國數名流與七子抗行是二家先路
前賢留故蹟有兩株簷柳又萬柄池荷

孫夏峯題孫高陽祠聯

眞宰相不愧科名千古文章爭光日月
大將軍有勞社稷一門節烈潤色河山

又某君聯

一代忠貞光勝國 萬年香火伴高陽

祁文端公題王船山先生祠堂聯

氣凌衡嶽九千丈 心託離騷念五篇

又陶文毅公聯

天下士非一鄉之士 人倫師亦百世之

師

福州小西湖明侍郎薩公祠其裔孫承鈺題聯云

鈞衡右宗伯 俎豆小西湖

江湘嵐峯青題梅花道人吳仲圭先生祠聯云

君身自有仙骨 幾生修到梅花

台州樵夫祠明代一樵夫殉甲申之難者隔溪

爲李青蓮祠中有聯云

舉杯邀明月 隔水問樵夫

張裔庵題定海成仁祠男祠聯

遺恨類厓山島客同歸麥飯冬青隨社祭

行朝書監國黨人猶在桃花燕子媿忠

魂

祠中祀明季殉國諸先烈

又題女祠聯

巾幗有男子風篁懿流光敢告惇史 滄

桑成過去事焚香祭臘今付遺民

蕉嶺林丹九先生當清師入境抗志不屈投長潭

古今聯語彙選三集 祠廟二

而死後人於其地立祠祀之名曰景忠祠有聯

云

隱者所盤宅幽勢阻 先生之風山高水

長

漢口息夫人祠聯

息宋興亡隨逝水 死生恩怨問桃花

諸暨縣西子廟知事陶鏞新而大之吳悔晦題聯

云

麋鹿竟游姑蘇傾國傾城隱然作臥薪嘗

膽輿援咄咄吳其爲沼 湖船晚逐范蠡

功人功狗空付與盲女村翁亂說嗟嗟漢

實寡恩

又陶鏞自題聯

十三

浣紗石已無存入此廟爲想花草吳宮鷓
鴒越殿 泛舸人歸何處廣其基也名岐
周私囿歐美公園

陳理堂題蠟蟻靈澤夫人廟聯

江流終古分荆楚 蜀道如天隔死生

高郵露筋祠聯

冷月照寒塘十里殘荷香未歇 夕陽沉
古渡一湖秋水影長消

唐冀國夫人祠今呼爲浣花夫人祠在錦官城西

浣花溪草堂內正殿額曰簾室英雄有聯云

褰裙逐馬有如此 翠羽明璫尙儼然

又神龕聯

廟貌照花溪鄰舍只容詩客住 戎功平

草賊江山曾仗美人扶

夫人任氏唐節度使崔旰妾旰入朝賊犯成都夫
人募兵擊走之城賴以全故郡人祀之

楊妃祠聯

莫歎紅顏淪宿草 尙留白粉艷春閨

楊妃墳上白土可塗面上黑子俗呼楊妃粉在興
平縣東關外二十七里

刹宇

散木老人題顯聖寺聯

雲門寺裏無瞞言幾個僧 石帆峯前好

風景一溪水

上虞縣西二十五里蘭芎山上有福仙寺明倪文

貞公元聯曾讀書於此嘗題一聯云

山深鳥語皆成韻 畫盡僧房半是雲

明楊升庵題瀘縣北巖寺聯

半空樓閣千山繞 兩岸人家一水分

京師拈花寺爲萬柳堂故址湯文端公文劍題聯

云

薰葭秋水尋開士 楊柳春風憶相公

侯度題靈谷寺聯

古今聯語彙選三集 刹宇

予意云何云何法 我聞如是如是觀

清高宗南巡駐蹕嵩山適越南貢九色玉如意九

柄因即留鎮某寺中某公題聯云

嵩呼萬歲 天保九如

王湘綺題西禪寺聯

彈指見華嚴看天馬雲開一角小山藏世

界 觀心禮尊宿聽木魚晨叩十方古德

應齋期

原跋湖南無十方叢林一方大缺典也普明上人

嘗議以西禪寺公之法侶示寂後法裔秀枝師願

成之棟宇狹小香田租少懼不副衆望運本寺中

道徒尤惴惴焉乃有碧崖和尚以無邊宏願行不

思議功果且拾且募不三年成百萬大工斯實海

內希有之事於今世舉一事而先咨嗟者識力爲

何如也工成慶贊因題柱志愧

又題東洲禪寺聯

竹樹護精廬林鳥似識前朝事 鐘魚答

弦誦芋火還容宰相分

原跋衡府東洲羅漢寺乃前明舊刹幾三百年建

船山書院於前適余主講柏永禪師主寺相鄰十

年因題柱以志因緣

又題彭縣多寶寺聯

山中畫永看花久 樹外天空任鳥飛

彭縣牡丹甚多

又題伊山寺聯

明月似聞三弄笛 白雲長對六朝山

江寧妙香庵聯

四百八蕭寺繁華都付與無邊煙雨 三

十六洞天縹緲且於此小契林泉

江寧報恩寺聯

天半插浮圖殿閣晶瑩三界上 雲中現

忉利樓臺金碧六朝前

鎮江焦山寺枯木堂聯

昔曾瘞鶴一碑尙存書自古人紛辨論

試比臥龍三詔不起山因高士並留傳

又曾文正聯

似聞陶令開三徑 來與彌陀共一龕

金陵鷄鳴寺聯

湖水經秋平似鏡 蓮花破曉白如霜

又寺內豁蒙樓有張文襄聯云

勝地何常經浩劫 斯樓不朽奈名傳

又曾文正聯

高花風墮赤玉盞 老蔓煙濕蒼龍鱗

又曾忠襄聯

松雲山下無多地 煙雨寺中第一樓

又傅文江聯

偕同輩著屐登臨聞道是十里芙蓉六朝
煙雨 有大士居山倒座怕看那故宮花
草廢井胭脂

吳雲題焦山定慧寺妙香閣聯

雲連鷹島白 水抱象山青

王可莊題鎮江海西菴聯

古今聯語彙選三集 剝字

委質江山如許國 寄懷魚鳥欲忘形

又左孝同聯

阮文達書城 楊忠愍祠堂

原跋云海西菴僧慧松所守藏山稱之

吳讓之題鎮江夕陽樓聯

令一孔毛生無限雲 以諸花香而散其
處

又嵩峒聯

去無所逐來無戀 月自當空水自流

金家宜題鎮江迴光精舍聯

百尺巖松生琥珀 九秋海樹長珊瑚

又梁悅聲聯

身來姑射高無極 心有菩提香益清

又陳壯度聯

尋碑寺外雲生屨 看月江頭雲滿衫

又周思溥聯

舉杯依嶺邀明月 拂紙臨江繪古詩

陳寅谷集漢邵陽令碑字題鎮江玉峯庵聯

白雲既開遠山出如涌 清風所至流水

織爲文

鐵良題鎮江松寥閣聯

新渚忽生波島外 舊題多在薜蘿中

又題自然菴聯

虛閣半涵江樹影 小堂長護海雲深

又韓國鈞聯

靜觀得衆妙 展席俯長流

某君題鎮江焦山定慧寺石坊聯

天闢海門容大隱 人從石室學長生

漢焦光隱此山下江峽名海門

許乃釗題焦山寺松寥竹塢聯

眼底江山皆淨域 毫端蘭竹見靈源

蘇州寒山寺以唐時僧寒山得名在楓橋鎮西北

而臨大溪幽秀獨絕葉昌熾聯云

木屐樺冠世外寒 岩終古相傳如雪竇

鐘聲塔影山塘精舍到 今依舊屬雲陽

又俞陛雲聯

白雲抱幽石 綠水蕩潭波

又孫毓麟聯

此間無江上風波寄語豐干休饒舌 依

舊是橋邊霜月追懷張繼再留題

又某君聯

五六月間無暑氣 二三更裏有鐘聲

又胡念脩聯

寒陵片石在人間豐干挹袖拾得拍肩到
今派衍天台東渡靈蹤續薪火 大乘宗
風盛吳下支硎講經雲巖說法何似敲詩
月夜南瞻佛性應霜鐘

又胡壺禪聯

佛以語言文字爲禪若教楓落吳江饒舌
出袖中詩本 寺有泉石樓臺之勝直抵
園開祇樹點頭徧郭外山光

又寶鎮山聯

古今聯語彙選三集 刹宇

待詔碑殘重新廟貌留詩卷 蒲牢夜吼
依舊鐘聲到客船

又蒲九節聯

寒葉濕樵徑 山花生佛頭

蘇州鄧尉山聖恩寺有清高宗御製聯云

萬頃湖光分來功德海 千重花影勝入
旃檀林

天台劉文珍題蘇州西園聯

最難得過來人相逢香火有緣卽色卽空
正婆婆春夢一場蘇臺啼鳥 何處尋乾
淨土大好園林無恙宜晴宜雨却彷彿西
湖三月花港觀魚

西園去留園半里卽戒幢寺放生池池多魚鱉而

龍尤龐碩寺內又有五百羅漢極莊嚴瑰偉之致

又陸雲蓀聯

三吳選佛場此地居然新結構 百族消劫運上天無處不慈悲

無錫惠山寺聯

大哉王言山爲第一泉第二 巍然廟貌宗以教孝祠教忠

楊建屏題江津四大王廟聯

坐佛門安百丈之身此爲大人而已 順天道布四時之氣豈曰小補之哉

普陀普濟寺大王殿聯

晏坐等人來預攝龍華會裏有緣之輩 逢機以笑應圓彰大肚皮中無所不容

任澹園題瀘縣方山佛國寺韋陀聯

將軍立地能成佛 菩薩生天善伏魔

鍾吟舫題江深寺大佛韋陀聯

我道有三千六百惡魔不是個金剛身焉 敢向佛門中立脚 你居在一十八重地 獄要撥轉青天眼祇好從經案上專心

錢塘丁修甫中翰立誠天目山韋馱殿聯

尊者是童身願學人猿縛魔降永作祖山 眞佛子 如來有天眼看此地龍飛鳳舞 特開靈境古精藍

某君作韋陀聯云

聖門季路道教玄壇鼎足共成三護法 努目金剛低眉彌勒同心齊向一如來

某君題五百羅漢聯

我曾從千萬波羅蜜經南無佛南無法南
無僧急忙忙問彼岸皈依打破禪關瞥見
諸天垂寶相 這裏有五百道小夫人乳
夙世因夙世緣夙世孽昏騰騰是何年起
夢別開洞府好來此地認前身

江津鍾耘紡祖芬爲張某祈子題羅漢殿聯

人相我相壽者相斯眞法相爲俗士現三
千界羅漢身須知佛卽是心心卽是佛
前因後因夙世因各有來因願菩薩放五
百道嬰兒乳居然孫又生子子又生孫

廣漢寄塵女士黃梅蓀題寶光羅漢堂聯

靈山我數阿羅漢 佛海人參大肚僧

古今聯語彙選三集 刹宇

某君題笑佛聯

笑嘻嘻看着你來應把那一些孽錢施捨
咱布袋和尚 意拳拳都向我拜何不作
百般善事免累他草把兒孫

江津鍾耘紡祖題笑佛聯

你眉頭着甚麼焦但能守分安貧便收得
和氣一團常向衆人開笑口 我肚皮這
般樣大總不愁穿慮喫只講個包羅萬物
自然百事放寬心

旌陽彭大俠題寶光歡喜佛聯

笑這些小孩兒徒然多事 容之以大肚
子便是上乘

莆田陳海坪先生題達摩佛聯

七

面壁十年求道力 渡江一葦濟時心

陳寶琛題螺洲華嚴寺彌勒龕聯

人世大難開笑口 肚皮終不合時宜

揚州興教寺彌勒龕前聯爲王仙溪濟學裘合作

聯云

笑呵呵坐山門外覷著去的去來的來皺
眼愁眉都是他自尋煩惱 坦蕩蕩載布
袋中休論空不空有不有含哺鼓腹好同
我昇平

移園題彌勒佛像聯

忠恕慈悲三教之中無異理 飛潛動植
兩間以內盡生機

秦榮光題彌陀殿聯

儘爾輩使陰謀放開大肚皮容物 憑自
家尋樂境辦取笑面孔對人

江津鍾耘紡祖芬題某廟餓佛聯

餓肚子能容一座乾坤熬得飢忍得凍便
撐得起脊梁世人莫笑空空腹 臭皮囊
豈可再加齷齪淨着口寬着腸挺着上腰
幹敬我何妨轉轉頭

乾隆間石渚陳邦棟題觀音閣聯

淨土卽是西方念佛法無邊人人感化誰
知道億萬年來未了出山善果 慈航來
自東海看金身湧現在在靈奇試問那八
千界內幾多浮水菩提

揚建屏題千手觀音聯

孽海望援多要展慈悲終費手 佛航撐
力少還須指臂作幫身

江津觀音樓聯

凸壁摩空乘樓架閣 凹巖抱佛輦秀輪
青

平陽某寺觀音閣聯

是西方之人如在其上 推南海而準乃
位乎中

南通白衣庵內供大士像有樓一楹名望海樓懸

有保召棠所撰一聯云

龕護白雲是大士雙趺坐處 樓觀滄海
惟達摩一葦杭之

又孫雲錦聯

古今聯語彙選三集 刹宇

一片蒼茫來眼底 萬家憂樂到心頭

又揚鳳新聯

任萬頃滄桑若四時花木變幻 有五山
砥柱共一江砂水縈環

又江雲龍聯

窗靜鳥窺禪心是主人身是客 山虛風
落葉天漫絕頂海漫根

又陳國瑞聯

登樓有景杜老乾坤今昔眼 下筆無佗
范公憂樂後先心

又王著聯

難名浩蕩今觀海 一掃烟埃更上樓

又平瀚聯

我欲重來觀日出 佛應普照撥雲開

又侯紹瀛聯

樓觀滄海日 水入大江流

大江之北有觀音閣就石爲龜有聯云

奇石作龕盛佛骨 長江爲鑑照禪心

惠山之麓有白衣殿其禪室壁上畫一墨龍屏列

四字聯云

老龍聽法 頑石點頭

庭前一石筍孤峙高七尺環植花木縈青繚白倚

所謂頑石者非耶

李棣華題越秀山觀音閣聯

現大士化身問誰仙佛因緣在 卽越王

遺蹟從古英雄感慨多

鄧瓊石廣文瑤爲佛山紙行撰觀音廟聯

願爲楊柳瓷瓶一滴水灑三千世界 尙

有芙蓉粉本百花牋寫億萬觀音

道光間白佩珩集頭陀碑題觀音閣聯

風泉相換厓谷共清惟此名區禪慧攸託

金粟來儀文殊戾止乃眷靈宇眸容已

安

又劉國儀集頭陀碑聯

川靜波澄神足游息 龍翔雲起靈心往

還

又僧然性集頭陀碑聯

月影澄空潮音出海 金容顯色麗象開

窗

揚建屏題送子觀音聯

觀世無如觀自在 好心自有好兒來

瀘縣百子圖供奉送子觀音施劍潭有聯云

誰實爲之從來處來從去處去 我聞如是種豆得豆種瓜得瓜

某處送子殿聯

你是孝子慈孫自當照樣送你 他能光宗耀祖還須積德與他

又聯

上帝本好生求我與以兒女不求我亦與以兒女 下民須自愛爲善報在子孫爲不善亦報在子孫

某處觀音殿聯

古今聯語彙選三集 刺字

觀空有色西江月 聽世無聲南海潮

王瓊澤題狼山荷花池聯

風定波平看千花萬葉放大光明現菩薩化身等相 天空海闊願一切衆生破除苦惱向清涼世界中來

南通縣城北有土山曰鍾秀山西曰西山又西曰

西山寺內有古松一株數百年物也李小湖瑋

題聯云

松生何代古復古 寺在鍾山西又西

許月樵太守懿林題梧州準提閣聯

有神仙到處卽是名山風月佳時憑管領 待老佛歸來重開福地樓臺畫裏好登臨

十一

某處準提廟聯

來無準去無準持準惟嚴夙夜 鐘有提

鼓有提能提不絕聲聞

何秋槎太史探源題三河佛頂寺聯

與了拳同衍南宗古柏傳香覺路有誰登
佛頂 記行腳來從東浙黃梅留偈空山
曾此證禪心

何士果太守壽朋題大埔西巖山寺聯

勝地匹陰那惜坡老未來致令晦跡千年
巖壑林泉哀古月 登樓瞻悟始問仙人
何處賸有殘棋一局河山風雨愴神州

陰那山名赤巖嶺靈覺寺悟始堂相傳爲了拳師

牧羊所

壽陽報恩寺大殿後有毘盧閣長洲徐題集金剛

經題聯云

如來有所說法耶卽非菩薩 一念生淨
信心者是在莊嚴

又邗江張樹德聯

藤杖一條捉得起纔放得下 禪關兩扇
看不破便打不開

大庸陳桐階逢元題天門寺大門聯

天作高山山高作鎮 門通大道道大通
神

又聯

仰驚六字寬變成幾多雨幾多露幾多雪
幾多風和雷時出時入時往時來多少神

奇誰鎖住 俛視衆山小看破一箇嵩一
箇衡一箇恆一箇泰與華自東自西自南
自北箇中底蘊此平分

又題寺內別院聯

幾世幾春秋每門外漢到來必說一番東
吳景帝 諸天諸菩薩自宇文周望祭成
第二個南嶽衡山

又題寺內韋馱龕聯

金甲金神人仗一杵打開妖魔不言護法
方成護法 鐵圍鐵門限能隻身尋出路
徑要說過關才准過關

又題寺內禪師殿聯

向茲不二法門插進腳來好騎天上龍淨

古今聯語彙選三集 刹宇

土游行伸鐵腳 閱遍大千世界放出頭
去莫學漢家馬豐功未戴泣壺頭

又題寺內別院聯

酈善長稱揚素壁劉宣卿注記松梁地步
占孤高一個名山都在眼 吳永安分畫
封疆周建海肇修祀事天區歸浩蕩十洲
勝境此追縱

某寺聯

十年一彈指頃人同住華嚴樓閣 四時
共攜手處春常滿歡喜園林

慶賀

湯文端公集經句賀某生恩科殿試卷列進呈十

聯云

皇歛時五福 民獻有十天

曾文正克復安慶張廉卿自書一聯詣賀文正狂

喜時幕中有言麟閣蔡州對仗未工者文正嘆

曰以靈對靈尙何不工之有其聯云

天子預開麟閣待 相公新破蔡州回

曲園先生之文孫階青太史陸雲於光借戊戌年

以第三人入詞館先生已年逾七十口占兩聯

以誌喜其一云

念老夫畢世辛勤藏書數萬卷讀書數千

卷著書數百卷 喜小孫連番僥倖院試

古今聯語彙選三集 慶賀

第一人鄉試第二人廷試第三人

其二云

湖山戀我我戀湖山然老夫耄矣 科第

重人人重科第願吾孫勉之

葉惺齋重遊泮水其孫紫瀾卽以是年補弟子員

南通顧姓谷曾烜贈以聯云

眉梨鐵鮫蔚爲人瑞 瑤環瑜珥稱其家

兒

錢塘丁修甫中翰立誠賀汪星齋丈重遊泮水聯

八十杖朝年領袖泮宮采芹藻 重三修

禊節琴尊潭水問桃花

徐亦軒昂賀范肯堂之父上孝友匾暨其子彥殊

食餽聯

龍門創列傳獨缺孝友非無其人也他年
史館纂修朝廷庶檄使者下州邑訪求我
公遺行 周官設廩人不詳士粟殆佚其
文歟今日斗升鼓舞傑子方從西彥走海
上博覽荒外蠻書

潮州某老儒舉孝廉方正鄉人為聯賀之云

窮不失義達不離道 始於事親終於立
身

番禺潘仲瑜太史館選後歸里其兄椒堂太史撰

聯云

紫荆樹底拜下紅氍三千里芸館馳歸北
向好行前輩禮 春草池邊夢回青瑣十
五載蓬山早到西堂還見阿連來

又是科殿撰為張建勛潘椒堂太史門下士也

故又撰聯云

隔歲晉冰銜前度杏花馳馬足 同年稽
齒錄阿兄桃李是龍頭

又聯

棣萼編成同館集 椿萱纔及杖鄉年

陳蘭甫先生賀其門人陳子礪中解元聯云

文章高過羅浮頂 科第連登會狀元

子礪東莞人後舉進士以第三人及第羅浮二山

在東莞

又賀何杞南入學聯

漢代茂材稱異等 唐詩間氣有輕鍾

潘鳴軒先生有雙桐園為嶺南名園生日在九月

年年廣集朋從某年適其子珏卿游泮又得一

孫李子虎學博賀以聯云

四代好秀才美濟芹詩捷聯桂籍 雙親

無量佛壽筵菊酒懽益桐孫

新會譚孝廉仲鸞賀梁任公鄉薦聯

戴憑高材就貢舉才十有六歲 臣朔博

學誦詩書已廿餘萬言

青雲書院賀梁斗南大魁聯

鼇背唱先聲三千級引無雙士 龍頭承

舊澤百二年來又一人

莊有恭乾隆癸未科梁耀樞同治辛未科

黎方流孝廉如璋爲從弟召民鄉薦謁祖會題聯

云

古今聯語彙選三集 慶賀

兄亦兼師鳳樓期弱弟添修爲戀春暉萬

里公車遲就道 母原爲傅蟾窟看孤兒

翔步轉思冬夜一燈子舍勉傳經

曹楷亭司訓之子道甫從顧姓谷先生游司訓以

癸酉拔貢登賢書及丁酉道甫亦充斯選是科

西安一郡貢者二十八其在先生門道甫外更

得五人焉先生爲聯云

父子都重名廿四年來兩拔萃 師生託

嘉契十八屬內六通家

許太楣先生賀外甥入學聯

幼讀外家成宅相 初游蠡舍振門風

李幼清先生贈門人施光遠入學聯

崇明舊族隸崇川後來之秀 綺歲作文

多綺思此子也才

顧姓谷先生賀王桂軒偕其從子從孫同遊郡校

聯

六十年丈席深情歷嘉道咸同三世通家
交最久 五百歲盤宮異事統叔姪父子
並時充秀古猶稀

鄭雲麓都轉賀潘子駿明經入學聯

當以天下爲己任 自其韶歲有時名

顧姓谷先生方宦儷語云新進試竣回里筮吉日

舍菜橋門率諸衿佩依序行禮間持丹箋句余

言爲重製數聯與之聯云

富弼起家茂才異等 王褒肆雅樂職中

和

又聯

襴帶唐巾儒者服 錦績括羽秀才文

又聯

采幟飛揚到處爲安新貴座 襴衫利市
所居已號秀才村

慈利吳悔晦先生賀朱君驥入學聯

此科固君家所數見 我喜以同學之多
才

又賀黎冰次入學聯

如君才豈時士所易 知此舉乃有司之
明

又賀褚吉五入學聯

拔君經生喜歡嗣向 問我奇字慰雄傳

芭

又賀朱少龔入學聯

鄭小同所傳無媿祖 賈大傅之舉稱此

科

又聯

漢重特科茂材異等 君傳家學名祖有

孫

又賀康次由入學聯

入太學年符古十五 有國士日同員半

千

又賀周伯石入學聯

能說山川乃異經生形勢洞規大吉嶺

兼資將相動觀儒效功名託始秀才科

古今聯語彙選三集 慶賀

原跋光緒辛丑科舉變法詔試策論明年學使者

按禮吾友伯石以論大吉嶺形勢入彀鄒衍談海

外九州一旦發皇耳目甕裏醜雞之謂伯石今庶

免乎遂書之以爲賀癸卯三月

又賀康迪先入學聯

蘇瓌有子劉向傳經讀父之書千里發軔

射策決科茂材異等續薪於火一鳴驚

人

又賀陳吉甫入學兼其父六十生日聯

賈生奇策司馬雄文劉蕡直言有子軼羣

壯圖千里 柳下和光太丘世德猗頓心

計推翁備福上壽百年

又聯

五

郊祁同登四十晚遇 籤耳齊算八千大年

又賀姚南滂試獎法政科舉人聯

兩漢崇儒始江都天人策 十科取士進

涑水政治家

又代人賀朱冬青實業校卒業聯

後車之光我附驥尾 破壁而去子爲龍

頭

慈利田東溪先生金楠賀萬生振甫中鄉舉聯

名祖有孫嗣聲文苑 經師愧我垂老布

衣

振甫之祖父石卿同治壬戌舉人

又賀王生子齠入學聯

慰陶家賢母踵陳氏難兄萬里神驄藐焉
六合 治盲左遺經抱終童奇策三年大
鳥視此一鳴

子齠今官常澧鎮守使

又賀楊生子平入學聯

賈長沙舉自茂才此科實肇炎劉以上

楊中立辱稱弟子今日竊喜吾道之南

又賀楊生青荃入學聯

名祖有孫開府文章能述德 中朝貴士

天池毛羽看搏霄

又賀湯生卜三入學聯

范志賈才基於此舉 父書祖德大其所

傳

又賀宋生運明入學聯

說經守專門山川輿圖兼學其要 發名

驚特起文學科目克光而家

又賀朱生鏡秋入學聯

五洲爭雄正中朝變法掄才求有如漢廷
異等 一命爲士願吾黨存心濟物慎毋
忘程氏遺規

又賀王生子章入學聯

大漢茂才有異等之科振拔殊尤今視諸
昔 吾湘騷賦爲詞章所祖淵源忠孝道
存乎人

又賀李生入武學聯

投筆自雄才可笑吾曹毛錐子竟安所用

古今聯語彙選三集 慶賀

立功期馬上抗論先世飛將軍抑又何
人

南通李月湖賀學生入學聯

秀才算什麼功名且著青衫聊慰十年辛
苦 男兒豈生來將相再攤黃卷好圖萬
里風雲

王溫如先生集句賀鄭竹生小學畢業聯

模訓上庠崇明四術 潛心大業經緯九
區

黎伯通贈龍文公學畢業生聯

三年獲麟角 千里騁龍文

又國文教員陳散尹聯

此別真須各努力 何時重與細論文

七

古今聯語彙選三集 慶賀

慈利王子章樹人賀胡某鄂垣英文專科畢業聯

惟其通九萬里以言語 故能讀百二國之寶書

又賀謝某鄂垣師範學校畢業聯

退而教授二三子所式 吞若雲夢八九者以歸

松楊尼宗學校十週紀念何君若泉題聯

難哉教習凡職業技能應全有時兼法官
兼隊長兼醫生兼保姆諸般事項盡加一
身計領略三年風味識見增得不少 蕞
爾學堂而世界雛形畢具其間若政府若
戲園若議院若軍營幾個鐘頭紛陳萬狀
設細編十載歷史笑話諒來必多

劉公特洲升任章柏齡賀以聯云

民不能欺民不忍欺民不敢欺公眞無憾
擢知縣事擢知州事擢知府事帝謂得
人

顧姓谷辭職家居其西席楊詒賀以聯云

游宦歷秦漢故都垂老告歸接踵科名聲
望厚 有子播龔黃政績辭官養志等身
著作校讎精

劉君緝庭訓導以其官推贈父母告祭先靈卽以
是日爲長公子舉行嘉禮顧姓谷爲題聯云

天子推恩人臣克致於所生一命榮親題
主焚黃循故事 先王制禮丈夫願爲之
有室百年合偶筮賓納采舉嘉儀

吳悔晦賀某氏五十生子聯

懸門雜有鯉魚旆 老蚌生此明月珠

岳楊李洞庭君澄宇賀某君生子聯

震世名同楊伯起 生子才如孫仲謀

乳名震生

慈利王子章樹人代人賀王藹臣舉子聯

王氏多賢此兒應兆鋪金佛 吳公寄語

乃父須防跨竈人

某五十生男自撰一聯云

一生好事無雙日 百歲閒身得半時

宜豐漆筱甫賀蔡白香孝廉重諧花燭聯

而翁本是美男子 阿婆學作新嫁娘

鍾萃民賀黃漢司律師聯

古今聯語彙選三集 慶賀

蕭曹功業由刀筆 李杜才名非甲科

有新開福昌玻璃鋪者杭縣徐仲可先生集易林

為賀云

福祿常在歡喜堅固 衆利所聚光明盛

昌

糖坊開張賀聯

含飴味甘樂融父老 賣錫聲裏歡洽兒

童

碾米廠開張賀聯

杵臼訂交外利人內利己 水火相濟有

機事無機心

賀報館聯

日試萬言 風行四海

賀鏡子店聯

阿堵傳神 入門見喜

賀竹行聯

竹屋紙窗多逸品 南金東箭並奇才

王壽山太史遷居并生日聯

室作萬間此懷斯足放千古 會修九老

其右猶能坐一人

錢塘丁修甫中翰立誠賀楊春浦廣文遷居四眼

井聯

分齋學繼胡安定 同井鄰依潘灌園

春浦名振鎬仁和人官訓導工文章通經術居杭

城四眼井并在田家園西與丁氏爲鄰元末潘時

雍居今田家園隱居不仕工詩文自號灌園生

又賀黃松舟遷居芳谷園聯

芳菲滿林爲萬花谷 汪洋表度若千頃

波

又賀魏虞臣遷居金華聯

其人多才卜畢萬之後必大 此鄉信美

紹金華學派真傳

又賀陳廉夫觀察遷居嘉興聯

七八月秋水生喜新居傍楊柳隄灣芝蘭

室雅 五百里德星聚選勝地在鴛鴦湖

曲駟馬門高

乙巳年吳興劉翰怡京卿上海新居落成貴池劉

世珩聯云

閉門種菜汲浦水 讀書爲善守家風

又江陰繆荃孫聯

晴旭一簾驅脈望 爐香五夜祀長恩

又漢軍楊鍾義聯

借書喜近春明宅 好客頻開薛下尊

又七十七叟湖南李亦萊先生維翰聯

所居與歐亞爲鄰漢瓦秦碑好古獨儲醫

俗藥 最難得春秋之富曹倉杜庫移家

滿載饋貧糧

又吳慶坻聯

書庫待成池北記 甘林新卜灤西居

又程慶霖聯

莫秀延薰藜香照讀 春酒養福夏屋迎

祥

又梁星海聯

瓜衍藪山扶正學 居同蕘圃揖叢書

慈利吳悔晦先生題吳哲卿新宅聯

相陰陽當九溪水正流買隣山中茲號佳

處 蔽風雨抱萬間奢願大庇天下此爲

造端

江津鍾耘紡祖芬賀楊海臣移居近里聯云

斯世太塵囂我近還鄉一點林泉甘自樂

此間好山水君來作主兩家風月要平

分

田東谿賀某成室聯

張老善頌曰三於斯古人且然今人奚讓

衛卿苟完若一無與前事不忘後事之

師

新建程福村道存集左太冲杜工部陶靖節黃山

谷句賀蔡慧卿直牧作室聯

枳棘塞中途卜築應同蔣詡徑 春秋多

佳日上堂先着老萊衣

吳江蘆墟鎮夏應祥先生鍾麟新建第宅其地即

郭頻伽先生靈芬館故址也落成時沈穎若贈

以聯云

此地爲靈芬館故址 其人與玉樊堂同

宗

明夏文忠公允彞所居名玉樊堂

又吳江唐閏先生昌言挈眷僑寓無錫沈穎若

賀以聯云

皋廡伯鸞偕齊眉婦 南村元亮樂素心

人

會稽鮑清如賀徐以遜新居落成聯

鄉土舊感情聚族已居七百載 樓臺新

結構憑欄可數九十峯

宅在樓臺樓臺之徐始自南宋以遜乃祖移家鉛

城今復築室樓臺

又田祥伯代胡錦飄賀聯

大好著書廬釋說文九千言纂學記三十

卷 斯是通德里與秦望萬年古挹天柱

四時春

又田春農賀聯

萬古藏書澹生堂世學樓無此峻固 四

時選勝朱華雲花蕊月俱孕靈奇

祁氏澹生堂鈕氏世學樓越中藏書之最著者朱華花蕊山峯名

江陰毛君畊園以商業起家能斥其財以助教育

縣人士於其新居落成請張齋庵先生書楹聯

以致奚斯之祝聯云

富家大吉當魏王弼之注 爲善最樂如

漢劉蒼所言

李丹宸賀寧元甫新居聯

晏平仲請更諸爽塏者 范柏年所居在

廉讓間

百俞老友新居落成予題句爲頌云

登堂奉親開徑延客婦同心兒繼志花萼

古今聯語彙選三集 慶賀

聯翩復以時來會更有坦腹子未甘高臥

隱羣賢畢至少長咸集家庭幸福備矣

仰屋著書出門看山北燕薊東齊魯西南

名勝亦所至留題比約素心人頻作聖湖

游襟上酒痕袖中詩本準備行窩可乎

某賀新居聯

曰苟曰苟復曰苟 於斯於斯又於斯

江蘇省議會祝聯云

我輩亦憂患餘生愧乏成功大雅今猶傷

板蕩 公等具乾坤正氣使其不死中原

當已賦澄清

建昌府中學於民國紀元武昌起義紀念日舉行

提燈會校長劉未林太史集句題門聯云

每飯未嘗忘鉅鹿 諸君何以答昇平

國慶紀念聯

視自我民聽自我民惟天不私一姓 逋
也愛國殺也愛國斯人遂創萬年

某校舉行雙十節慶祝會某君題聯云

如聞嵩岳三聲呼共和萬歲萬萬歲 謹
取湯盤二語祝中華日新日日新

雙十節日又爲第二任大總統徐世昌就任吉期

是日江西開慶祝大會有一聯云

國人皆曰賢舉加上位 兆民其永賴望
致昇平

壬子九月湘省開光復紀念會岳陽李洞庭君澄

字題慶祝堂聯云

斯民今有國 諸夏可無君

又題花園口聯

武漢何如湘九月 芷蘭今讓菊千秋

又題休息室聯

龍躍昔年竟何去 獅醒大地已多時

室門卽舊考棚之龍門也

